


廿一

宣德十年至正統三年

御書十冊附註卷四

十

後物



國權

鹽官談遷孺木著

英宗法天立道仁明誠敬昭文憲武至德廣存睿皇帝 諱祁鎮

宣宗皇帝嫡長子也宣德二年丁未十一月己未生 母后

孫氏生時日下五色雲見光灼殿陛明年立為皇太子天質

秀傑顧盼有威

乙卯宣德十年

正月亥 宣宗賓天 皇太子年九歲 皇太后取金符入內

或謂立襄王 太后聞之立至乾清宮携 太子召閣臣泣

曰此新天子也閣臣伏謁呼萬歲群臣隨之浮議乃息

壬午 上即皇帝位詔曰仰惟 祖宗肇造之功守成之道

規模弘遠光昭萬世我 皇考皇帝以至仁大德統承之率

循憲章恢弘政化方期國家永底雍熙不幸奄茲遐棄肆予

眇躬祇承遺命於宣德十年正月十日即皇帝位付畀攸重

兢惕惟深允惟神天之典惟敬斯承生民之衆惟仁斯保阜

成之績惟儉乃克有成顧予涼薄勉衆永圖尚賴親王宗室

益脩藩屏中外文武群臣宣力效忱以副委任以惠我蒼生

用臻富庶躋於泰和其以明年為正統元年與天下更新一

應寬卹事宜條示於後云云於戲自古生民獲福咸由君臣

同心同德圖厥成功亦罔不在初尚協嘉猷以隆邦本詔告

天下咸使聞知

勅沿邊宣府總兵官譚廣等嚴備

癸未作大行皇帝陵勅太監沐敬豐城侯李賢工部尚書吳

中侍郎蔡信督工役軍匠十萬人

守制監察御史宋原端豪奪田塋好賄囑事聞逮論削籍

乙酉衛王瞻埏攝南郊

錦衣衛奉詔奏李景隆家屬十四人成山侯王通等家屬二

百九十五人擅棄交趾侯伯都督三司等官命仍圖之故交
趾樓祭僉事郭瑀瘦死詔優其骸

丙戌朝鮮國王李禔貢賀

丁亥駙馬都尉李銘卒

少師兼吏部尚書蹇義卒義字宜之巴縣人初名瑤幼孤鞠

外舅李氏蒙其姓洪武乙丑進士授中書舍人改姓蹇工

曰豈蹇叔後耶御書義名賜之義篤實滿九載數在左右預

機密文字建文初拜吏部右侍郎太宗轉左數月進尚書

時惡建文改舊制一切及之義從容言損益隨時間舉數事

陳其類末太宗從之尋兼太子詹事輔東宮監國兼署

禮部父喪歸奪情嘗巡撫江南仁宗初兼少保廢少師祭

大政宣宗甚優之輟部事論道如古三公歷事六朝通籍

五十年諳於典故練達政體雖在填委分處豁如顧沉厚遇

事少斷世疑其無所建明云年七十二贈特進光祿大夫太

師謚忠定子英官尚書司丞復其家

表表曰蹇忠定歷事五朝以忠實受知遇文皇北征全

國是屬不動聲色而天下宴然官冢宰者凡三十年其所

取士先純朴而斥浮華故永宣之間士風吏治靡厚可觀

秦誓所謂斷一兮無他技者蹇公其人哉

戊子松江祁門縣臨湘福安饑貸倉穀

庚寅琉球國中山王尚巴志入貢

撤各省鎮守內臣仍勅各三司加意撫綏軍民

減貴州屯糧三之一

壬辰賜親王宗室公主金綺絲羅鈔

乙未無為知州王錫言歲供南京象房蘆根芡草十萬八千

斤今象送北京乞按象量數採辦從之

丁酉工 大行尊謚憲天崇道英明神聖欽文昭武寬仁純

孝章皇帝廟號宣宗

己亥令內臣工逐年收用錢糧之數

庚子頒謚詔

止藩王結焯入臨自是諸王皆止

少傅兵部尚書兼華蓋殿大學士楊士奇等條初政合行事

宜曰整飭內外兵務曰南京重地宜設叅贊曰江西湖廣河

南山東災荒宜重臣鎮守曰備邊宜給馬騎操曰校尉宜減

仍堂上官戒約曰考察內外文職 上嘉納令悉行之

辛丑勅戶部尚書黃福叅贊南京機務時襄城伯李隆守備

南京福事事任馮武少之曰李侯未嘗一事悞也

監察御史王翺進行在右僉都御史同都督僉事武興鎮守

江西都督僉事毛翔右副都御史賈諒鎮守湖廣都督僉事

韓僖戶部右侍郎王佐鎮守河南都督同知馮斌兵部右侍

郎李郁鎮守山東皆賜勅

壬寅駙馬都尉西寧侯

掌行在前軍都督府事

陝西邊衛官軍備操京師者俱還原衛

二朔卯朔遣指揮丁全勅諭和寧王阿魯台子昂克字羅及諸

部目

勅行在五軍都督府練兵

部郎中員外郎李儀賜朝鮮國王李禔文綺綵幣諭朝貢

如期非常貢之物悉止之

甲辰興安伯徐亨都指揮同知韓鎮等鎮守永寧等衛兼提

督沿邊關隘

乙巳皇太后壽節免賀

命監察御史給事中巡視邊關

戊申祭太社太稷衛王瞻堦攝之

工聖祖母尊號曰太皇太后

陝西都指揮僉事劉永鎮守河州衛

唐成上 聖母尊號曰皇太后

勅福餘衛都指揮安出等還所掠北阿卜只奄妻伯顏剔

斤子著乞孛羅

辛亥封弟初鉅成王封平陽王美圭為晉王保寧王悅欽為

蜀王欽書美圭仍居太原

尊號禮成詔赦天下

趙王瞻塢奏盜入磁州命捕之

行在工部尚書李友直提督供應柴炭時僉都御史李濟憂

去

壬子賚在京文武軍民人等金絹布鈔有差

右軍都督同知沐昂為右都督

甲寅勅諭兩京文武及內臣

賚鎮守守備內外文武官金幣黔國公沐晟幣五襄城伯李

隆幣四俱百金駙馬都尉沐昕金八十幣四都督山雲史昭

劉廣巫凱蕭授王貴李謙王真譚廣蔣貴陳欽許亨尚書黃

福各金五十幣三都指揮馬昇李達曹儉各金四十幣三都

指揮王瑜吳亮張翥劉斌各金三十幣二高迪韓鎮穆肅馬

驥李英錢義敬劉銘劉永指揮使陳震參政沈固劉連參議
李穀葉仕寧沈升各金二十幣二遠東甘肅等鎮太監王房
等賜如之其厚於廷臣以外勞也

行在都督府言京衛七十七官軍校尉總旗二十五萬三千
八百除屯守外供役內府各監局十一萬六千四百令營操
僅五萬六千乞還各監局役占從之

談遷曰永宣時以綜覈稱而內府役占已夥矣况後之汶
汶者乎宜京營終於影冒也

丙辰鄭能嗣武安侯鄭亨陳佐嗣平江伯陳瑄劉安嗣廣寧

伯劉榮吳英嗣清平伯孫吳成

丁巳太皇太后賜書長兄彭城伯張景都督張昇曰吾起

寒微叨蒙國恩榮及祖宗顯受褒寵諸兄嗣膺崇爵厚祿合

門貴享與功臣等皆列聖天地之賜豈嘗有汗馬勞哉夫

受非分之福宜存非分之虞古人有言知足不辱知止不殆

可不思永保之道乎吾不幸侍仁宗皇帝日綫長子宣

宗皇帝又逝今長孫皇帝幼冲保持輔翼實繫於吾執玉

捧盈不違寧處言念外家同歸於善諸兄可不體吾心哉尚

其循禮度脩恭儉以率子姓家人咸慎蹈履自今惟朔望朝

參勿預聞政事已閣臣謂張昇公正可預議竊勿為嫌 太后不聽初 先帝喪 太后罷宮中一切玩好及諸不急之務而工幼大臣請 太后垂簾聽政 太后曰母壞我祖宗家法委政閣臣從中主之時太監王振棟司禮 太后令凡事付閣議乃施行已遣中官問驗或不付必責之故朝委裘而治

戊午南京戶部尚書兼詹事黃福為少保仍兼尚書叅贊機務

行左右軍都督同知山雲為右都督都督僉事史昭劉廣王貴亞凱王真蕭授李謙俱為都督同知都指揮使衛青許亨李達俱為都督僉事都指揮僉事吳亮張翥劉斌俱為都指揮同知指揮使高迪為都指揮僉事

己未為事官孟瑛世京衛指揮使瑛初襲保定侯坐事削爵

庚申閣議作九廟從之尋寢

辛酉令內府倉粟出納俱平斛

壬戌夜月犯天江星

甲子陰慶州學正劉鑑生徒乏科舉當忒雲南生徒乞留復之

乙丑命廷臣同法司錄囚

太子太保成國公朱勇新建伯李玉提督大營五軍三千等
營

丙寅貢士唐萬里為唐府紀善唐王薦故長史唐恩子萬里
補紀善吏部不可上特從之

夜大星如碗赤光出入雲中

丁卯陳瀛嗣泰寧侯陳灝弟譚璟嗣新寧伯譚忠子

戊辰裁行在各衙門冗費

革上林苑監所轄冰鑑川衡典察左右前後六署惟存嘉蔬

蓄育良牧林衡四署

定府學歲一貢州學二年縣學三年

辛未柳溥嗣安遠侯柳升子梁瑤嗣保定伯梁銘子

武進伯朱冕都督沈清提督神機營

壬申清明節遣官祭長陵獻陵

三朔酉朔還朝鮮婦女五十三人俱微自宣德初

賑芮城縣饑

丙子南畿牧黃牛七萬餘隻歲供光祿寺三千以病民止留

三萬隻餘給軍民任耕

丁丑故武城侯王聰從孫玘襲彭城衛指揮僉事

戊寅「朶兒只伯等乞降命甘肅總兵官都督同知劉廣榮

之云去年九月犯邊其甥卜魯罕虎里見擒託降而索之遂

不許

江西樂安曾法良等據大盤山作亂至三萬餘人時存饑有

司失撫故也命都督僉事武興右僉都御史王翱勦之尋平

朱國楨曰以二祖蕩滌之後威震殊俗可謂盛矣而中

土數十餘年休養生息之民顧時見告此豈經制未明

茅釁易作以致潢池之弄想當時兵權尚屬都司布按覲

為武吏若不相干有司觀望不肯盡力都司亦未必得入

所遣衛所之兵素無紀律不用命而新設巡撫行移體統

間尚多彼此齟齬故窺伺者易動結聚者難除衆且數萬

人聞於朝甚至大臣往諭大將領兵雖夷戒甚易德音時

頒其亦少煩料理矣今法網日密權柄有歸似可無慮而

祈在替伏除忽不必有主名而實有暗窩為御里害賦稅

并頁 七外第九字浸字恐係侵字之誤 南之大患而江北則

流賊充斥 日中天節儉身為之先

可以足給神武時用不測可以用兵是且計日待矣

丁丑故武城侯王聰從孫玘襲彭城衛指揮僉事

戊寅「孕見」只伯等乞降命甘肅總兵官都督同知劉廣察

之云去年九月犯邊其甥卜魯罕虎里見擒託降而索之遂

不許

江西樂安曾法良等據大盤山作亂至三萬餘人時存譏有

司失撫故也命都督僉事武興右僉都御史王翱勦之尋平

朱國楨曰以二祖蕩滌之後威震殊俗可謂威矣而中

土數十餘年休養生息之民顧時見告此豈經制未明

茅釁易作以致潢池之弄想當時兵權尚屬都司布按貌

為武吏若不相干有司觀望不肯盡力都司亦未必得入

所遣衛所之兵素無紀律不用命而新設巡撫行移體統

間尚多彼此齟齬故窺伺者易動結聚者難除衆且數萬

人聞於朝甚至大臣往諭大將領兵雖夷戒甚易德音時

頒其亦少煩料理矣今法網日密權柄有歸似可無慮而

所在潛伏倏忽不必有主名而實有暗窩為鄉里害賦稅

之督責日煩官吏之侵漁日甚此江南之大患而江北則

流賊充斥所幸聖天子屬精如日中天節儉身為之先

可以足給神武時用不測可以用兵是且計日待矣

放教坊司樂工三千八百餘人

已郊罷浙江定海沈家門等水寨守備時吏周頌言國初設衛所置哨舡分汛永樂間內官王鎮使日本奏調海舡立水寨而舡大不便操且乏城守者乞改海舡作快舡哨港且尤便從之

庚辰行在翰林院脩撰劉翀為山西按察司僉事行在工部

主事王一寧改行在翰林院脩撰行在禮科給事中朱應康

振改檢討

發陝西官布市馬給邊

辛巳行在兵部郎中徐晞試右侍郎浙江按察副使陳鎰為

行在右副都御史行在山西道監察御史羅亨信為行在右

僉都御史晞與都指揮僉事朱通往臨沔鞏岷鎰與都督同

知鄭銘鎮守陝西亨信與都指揮僉事魏榮往平涼莊浪河

州西寧都指揮陳忠榮貴往寧夏各提督官軍操練

召浙江都指揮僉事張真丁信河南毛禮曹義馬翔楊福茂

山衛指揮使亮高徐文潞州衛指揮使隆慶州右衛指揮同

知陳震鎮西衛指揮僉事葛亮赴京

癸未放庫役二千六百四十餘人

甲申法司上赦外別犯可矜者四百餘人俱戍邊輸作

減行在光祿寺料米粟九萬二千餘石他物有差

乙酉安南滿刺加哈密俱入貢

賑肇慶雷州饑

丙戌夜大星赤光出紫微西藩流大陵

丁亥靜寧州判官向侃當裁以公勤得民復之

定吏典犯法無贓者斷決就役贓則納鈔完日俱發為氓

夜大星犯壘壁陣夜月生五色雲

戊子故中軍都督僉事李英贈蒙陰伯謚襄毅

夜月犯房宿

己丑故安順侯薛貴亡子弟可可帖木兒請嗣予京衛指揮

使世襲

石州知州陳道夏去州人乞留許之

罰錢悉輸承運庫先入司禮監

賑順義香河永清饑免涉縣災租

甲午停公侯伯都督私馬日料

丙申勅三法司錦衣衛刑科都給事中自今死罪臨決須三

覆奏

丁酉逮山西都指揮僉事呂整以十餘騎來降殺之

行在禮部尚書胡濙等奏比奉勅旨節一切冗費而四夷使

臣動以百數疲於供給且勅邊官審其來者量遣正副使從

人赴京餘悉留彼給待從之

戊戌興安伯徐亨備禦永寧

己亥進士高峻元亮徐璟毛宗魯李璽為行在監察御史程

憲為南京監察御史

廣平妖賊班興等伏誅

庚子贈皇庶母何氏貴妃謚端靜趙氏賢妃謚純靜吳氏惠

妃謚貞順焦氏淑妃謚莊靜曹氏敬妃謚莊順徐氏順妃謚

貞惠袁氏麗妃謚恭定諸氏恭妃謚貞靜李氏充妃謚恭順

何氏成妃謚肅僖俱殉葬

辛丑御馬監勇士廣昌謝廷柱初年十二以虎得母周氏竟

麻鞭逐之虎釋母獲全詔旌其孝補宿衛至是母年八十三

乞歸養許之

四月寅朔衛王攝享太廟

諭行在兵部尚書王驥等曰比聞河南軍民有因迫饑饉流離就食因而群聚為盜原其初心良可矜惻爾部即榜諭之榜至悉宥罪

江南歲進鳥獸遣送南京光祿寺便程日
癸卯蘓門荅刺國王宰奴里阿不丁年老封其子阿卜賽亦的蘓門荅刺國王

減遣行人巡茶四川陝西期三月一遣先是月遣四人苦道費

乙巳脩鳳陽祖陵

河南盜李剛等伏誅宥其家屬

丁未免金州新增茶課

己酉海陽教諭袁均哲請祀唐潮州刺史韓愈從之

壬子給鎮守永平山海總兵官都督僉事陳敬閔防

乙卯減在京雜官月俸

丙辰月夜食

戊午免順天逃戶通租

己未戴罪陝西巡撫工部右侍郎羅汝敬擅引詔書復職連

劾吏部尙書郭璉逮汝敬及侍郎黃宗載鄭誠等獄尋復
宗載等汝敬戌赤城

辛酉脩長陵獻陵始列石人石馬於御道

行在左軍都督同知方政為征西前將軍總兵官大同參將
都指揮使曹儉為都督僉事左副總兵山西行都指揮使羅
文為都督僉事右副總兵賜勅鎮守大同
起李安行在右軍都督僉事副總兵同甘肅總兵官都督同
知劉廣提督操備時涼州東，朵兒只伯鎮夷北，阿端只
肅州西，猛哥卜花各鉅邊

鎮守湖廣都督僉事毛翔還京掌都督府事鎮守江西都督
僉事武興往淮安同都督僉事王瑜提督漕運

太監阮克民都指揮劉清等下獄以造舟松花江插海青因
市女直激變死亡八九百人

壬戌元翰林學士吳澄從祀孔子廟初慈利貢士教諭蔣明
疏澄功不下許衡閣議躋之故有是命

湖廣貴州總兵官都督同知蕭授為征蠻副將軍都指揮同
知吳亮為行在右軍都督僉事副總兵時授年老
監察御史鄭禧覈工部廠庫受賄廖文昌按廣西縱隸卒誑

擾俱有罪下獄

乙丑去冬浙江寧海縣五月潮決陷地百七十餘頃至是驗除其賦

丁卯天久不雨命考察詳吏方面凡部守有關令遵先帝勅旨保舉若犯贓罪并坐舉者

命三法司赦後罪犯即會官覆審毋淹

行在刑科給事中年富上四事曰邊備曰城池曰停補幼軍曰清理僧道上議行之

戊辰行在後軍都督同知李謙為右都督

山西平陸縣大雨雹傷稼命蠲之

兩京山東河南蝗蝻傷稼命御史給事中馳驛往捕之

五朔申朔命兵部右侍郎徐琦工部左侍郎鄭辰刑部右侍郎

吾紳行在左通政周銓并巡撫山西行在兵部右侍郎于謙

鎮守河南行在戶部右侍郎王佐鎮守山東行在兵部右侍郎

李郁鎮守陝西行在右副都御史陳鑑巡撫浙江戶部右

侍郎成均鎮守江西行在右僉都御史王翱巡撫湖廣行在

禮部右侍郎吳政考察兩畿守令及各省布按堂上官

癸酉令吏部初入仕者毋輒除風憲監察御史有關都察院

堂工及各道官保舉以聞吏部審察不謬然後奏授
甲戌賑揚徐滁諸屬縣饑

丙子減南京光祿寺內官監供用庫御馬監及巡視官役歲
費

戊寅巡按陝西監察御史兼理屯田

己卯下北畿河南山西鎮巡官招撫逃民復業免其徭賦

丙午知府顧煜秩滿以廉勤部民乞留從之進正三品俸

庚辰行在禮部工 祖宗忌辰禮儀初諭禮部議其禮大學

士楊士奇等請是日服淺淡色衣不鳴鐘鼓視事奉天門從

之

革兩京都察院交趾道并戶部刑部交趾司

復南昌知府任肅以績最部人留之加正三品俸

命廷臣覆死獄宥百十九人戍邊

免邯鄲縣去年貸粟

辛巳加毛憐衛都督僉事撤滿答失里都督同知

壬午 寇大同樺木溝罪千戶朱敬百戶張弘戍邊

命監察御史郭原等七人給事中戴弁等七人巡邊閱軍

癸未故請母侯王忠無子從子斌世京衛指揮僉事

丙戌頒詔安南

丁亥行在監察御史程富為行在大理寺左少卿富巡按江

西善巡撫侍郎趙新以吉安知府陳本深餉軍捕寇功富冒

馬

戊子故駙馬都尉永春侯王寧孫彛求嗣爵以非戰功命襲

羽林前衛指揮僉事

行人郭濟知鎮江節中姚文知太平黃璿知開封葉宜知衛

輝程瑩知九江王源知瓊州員外郎李儀知潮州易節知成

都監察御史蔣彥廣知慶遠司務陸震知潯州大理寺副唐

復知平樂俱廷薦賜勅

始命監察御史往揚州捕販私鹽歲受代

台州盜殺指揮鄭宣李遠百戶傅勝郭斌等

己丑定淮浙長蘆鹽每引米四斗五升山東河東福建廣東

四川鹽每引米二斗仍不拘次時議遼陽開原二衛極邊中

鹽備積貯

薦宣宗陵號曰景陵

壬辰行在禮部奏七月朔例遣道士齎香帛徧祭皇陵及歷

代帝王陵岳瀆海鎮今登極初宜命廷臣停道士從之

行在錦衣衛軍匠陳猷進煉丹法卻之
乙未行在刑科給事中辛富言江南佃戶歲輸租今詔免災
賦特及富室細民輸租如故乞如例蠲免又為貧民立券貸
富人粟分給仍免富人雜役為息從之

談遷曰遇災勸貸可也蠲及佃戶則富人重困矣方歲之
凶租必不及額少得升斗以贍公私恒情也一聞勸旨則
諸佃群撓而富人之雜役如故也能無累子里有富人將
貧民多效役自活或質錢或貸息血脉灌輸彼此交藉若
惡倚賴之餘沃畝悔窮黎非周人保富之道矣

丙申右都督馬亮為左都督都督同知高文任禮馮斌程忠
俱右都督都督僉事韓億梁成王敬把互沈清王或李通俱
都督同知都指揮僉事張真馬翔曹義丁信楊福俱署都督
僉事真還浙江翔還中都並署司事

戊戌韓王冲斌告匱命平涼稅課司歲給鈔二萬貫
己亥行在翰林院待詔趙琬為北京國子監司業
罷文明惠河二閘官吏

庚子監察御史楊政以按福建回怨杖斃一眾四人事聞下
臺獄劄籍

南京刑部 侍郎俞士吉卒士吉象山人洪武末貢士授充
州訓導歲餘上書言時政擢廣西道監察御史巡畿內湖廣
尤著績永樂初署都察院事遷右僉都御史使鮮朝日本還
治水浙西蠲租六十萬石賑民粟尋守襄陽遷山東左叅政
洪熙初進詹事 先帝改南京刑部侍郎致仕予祭葬
六朝丑朔太保寧陽侯陳懋為平羌將軍兵部試右侍郎徐晞
叅贊軍務同鎮守甘肅
罷守日照縣官軍國初沂州衛分戍百人而縣南有安東衛
故罷

癸卯給鎮守陝西行都司內官關防

丁酉餘騎寇大同逮都指揮鄧瑛等

甲辰左軍都督僉事吳也兒克台為都督同知

丁未命瘞天下暴骸

彰德等逃民五萬餘戶復業免其逋租諭有司存恤

廣西總兵官右都督山雲奏關思恩州俘男進之命後俘人
功臣家毋私闖

戊申大同左副總兵都督曹儉報殺丁數十人勅曰豈有殺
丁數十人不獲一馬者乎責總兵官都督同知方政輕信

巡撫浙江戶部右侍郎成均還部行在戶部郎中王瀹為戶部右侍郎巡撫浙江

已酉以兀良哈福餘衛夷犯遼東奪都指揮裴俊王祥佟勝俸半年

庚申賑應天鳳陽太平廬池淮揚旱蝗鬻龍江積薪易米麥夜金星犯天關星

辛酉章皇帝整景陵陵制庫隘嘉靖丙申始再拓

占城入貢

癸亥監察御史張聰請各處撫按會審繫囚行在刑科給事

中賈鈐朱純乞南京法司錦衣衛錄囚如聰言從之

丁卯祔宣宗皇帝太廟衛王瞻妣攝祀

戊辰宋鉉為南京錦衣衛指揮僉事駙馬都尉宋琥子

夜大星赤光燭地自天廩流至濁

七月朔衛王攝享太廟

行在左春坊左庶子兼翰林侍讀周述侍講苗衷主試應天赤斤罕東等衛夷劫勅使指揮把台等禮幣勅頭目詰獲餘宥之

增松潘衛卒月餉

辛未行在戶部郎中扈遲為鳳翔知府賜勅

下行在大理寺卿徐初少卿賀祖嗣行在刑部郎中劉寬等

獄以失入故奪侍郎施禮俸三月

甲戌岷王榘請符驗上特予之惟遣人赴京則給

起復岷州衛經歷許璽憂去士民諸生各頌其德工以

一遠幕能得下復之

乙亥辰哇從使哈災等自永樂中隨貢因國亂止京師至是

遣還

丙子勅脩

宣宗皇帝實錄監修太師英國公張輔總裁少

傅兵部尚書兼華蓋殿大學士楊士奇少傅工部尚書兼謹

身殿大學士楊榮禮部尚書兼翰林院學士楊溥少詹事兼

侍講學士王英侍讀王直

免山西今年夏稅并屯種夏稅之半

復故少師蹇義家

丁丑鎮守永平總兵官陳敬叅議沈升還京都督同知王茂

充總兵官守備監察御史王憲為按察副使佐茂

戊寅行在翰林院脩撰金問為行在太常少卿兼侍讀學士

行在吏科都給事中王榮為北京行太僕寺少卿

己卯起復按察使徐永達改山西
後軍都督僉事馬昇黃真為左右叅將分守開平獨石懷來
命各衛所倉改屬有司惟遼東甘肅寧夏萬全沿海衛所仍
舊風憲官時覈

辛巳巡撫河南山西行在兵部右侍郎于謙言四事曰有司
考滿冊填逃民復業聽殿最曰邊將莊田不得私役軍人播
種曰考察都司衛所正佐官斥庸劣曰官吏朝見親王免妨
事議行之

壬午夜大星赤光自左旗南行至濁

甲申河南山西俱安鎮守河南都督同知韓億侍郎王佐內
官張名山山西內官張溥還京勅于謙無理
民匠在逃充軍者仍民匠

定北京山西陝西萬全大寧遼東所賜衛卒冬衣俱巡按御
史同戶部官給之

乙酉許陝西按察使王文奔喪即赴任
遼王貴哈請復護衛不許加祿千石

起復江西布政司左右叅政郝玠方正仍任
丁亥增大同邊卒月餉

金星晝見井宿

戊子提督京倉叅政李新為行在戶部右侍郎巡撫陝西

作靈濟宮

己丑禁私下海捕魚

壬辰益大同備禦兵

癸巳選京營二千騎戍遼東以中軍都督僉事曹義充副總

兵往

定遠衛百戶畢恭入試起指樞僉事

監察御史莫敏馬謹盧琬督雲南銀治奉詔罷採不即行至

是入京被劾下獄俱贖還職

甲午溫州知府何文淵黃巖知縣周旭鑑俱治最加俸二級

賜勅以勸民牧周旭鑑或作徐姓

乙未曉刻大星青白光白

流至濁

丙申選京營四千騎以都指揮僉事黃順往大同署都指揮

僉事田忠府軍前衛指揮僉事馮玉往宣府分守

開平衛指揮僉事楊洪為指揮使以禦功

丁酉太師英國公張輔請出師勦下廷議謂胡兵去來莫

測茅選驍卒得智略如楊洪者領之利械豐餉分守可也又

簡總兵官選四萬人按甲以待 上從之時舉總兵官成國
公朱勇新建伯李玉加楊洪游擊將軍給二千餘騎

戊戌加行在工部尚書吳中少保

復宋顯懷寧知縣初巡按御史張清考顯闕冗不任顯訟枉
覆按得白清坐罪

陝西布政司右叅政王士嘉為行在禮部右侍郎順天府尹

李庸為行在工部左侍郎兼府事温州知府何文淵武昌知

府邵旻為行在刑工^部右侍郎建昌知府陳鼎四川按察副使

朱與言為行在右副都御史福建按察僉事魯穆為右僉都

御史陝西按察僉事陳鹵為行在大理寺少卿行在禮工科

給事中虞祥龔全安為行在通政司左右叅議時吏部尚書

郭璉會大臣保薦命何文淵舉賢自代薦御史劉謙以監銀

冶於温之平陽廉而且才守温州政績卓異

鄭曉曰蹇義吏部三十年內贊宸謨外康流品疇詢密斷

莫敢侵官新安代之望輕寡學始開保薦之塗寓請寄之

術矣

行在刑部左右侍郎魏源施禮俱為尚書行在吏戶禮兵刑

部右侍郎黃宗載王佐章啟柴車吳廷用俱為左侍郎廷用

調禮部右僉都御史吳訥為左副都御史大理寺卿徐初改
太常寺卿行在右副都御史陳勉為大理寺卿
免保定真定順德河間淮安黃州去年水災田租又蠲萬全
都司新增屯糧

八庶子朔黃巖知縣周旭鑑為台州通判仍署縣事旭鑑盡鋤
奸頑稱能吏

癸卯行在翰林院侍讀學士李時勉侍講高穀主試順天
限寺僧府四十人州三十人縣二十人撥田自耕食餘畝皆
給貧民

丙午減光祿寺廚役四千七百餘人量留五千八人國初止八

百人

丁未增宣府月餉如大同

封乳母李氏恭聖夫人府軍前衛指揮僉事胡信妻

戊申夜月犯建星

己酉前刑部右侍郎白勉卒涪州人居官廉介

辛亥巡撫陝西行在戶部右侍郎李新兼理屯田

壬子行在陝西道監察御史張惠為光祿寺卿

甲寅徙淮王瞻墀於饒州以韶州多瘴

乙卯大理寺右少卿柴震卒

丙辰教諭黃純徐維超訓導曼昇為行在給事中

始命御史給事中巡視行在先祿寺月一遣從禮科給事中

李讓之言

曉刻金星犯軒轅大星

戊午中軍左都督阿卜只奄卒予祭葬

奉聖夫人李氏卒

庚申設花石潭巡檢司

行在翰林院庶吉士蕭鑑林補賴世隆吳節徐瑄薩琦江淵

為編修王玉李紹姜洪何瑄王振為檢討進士張睿朱良暹

白琮為吏兵工科給事中張文時紀柳華薛希理趙忠為監

察御史張紀為大理寺左評事俱行在

辛酉命各稅課司增收物料舊止竹木三十之一至是及麻

油等

甲子作鹵簿

丁卯曉刻老人星見

戊辰逮鎮守開平獨石左叅將都督僉事馬昇叅謀山西右

叅議葉仕寧下臺獄時互隙相訐

九月初已朔夜大星青白光自閣道南至室宿

庚午給居庸等驛甲軍月糧

徵河間保定官牛五千給宣府赤城雲州鷓鴣屯卒

辛未增行在戶部郎中員外郎主事五人監督甘州寧夏涼

州莊浪蘭縣倉糧

壬申夜金星犯工將

癸酉置六科度閣於承天門外

行在山西道監察御史陳祚言臣先繫獄父隆貳連坐死獄

中會赦臣復職乞給假還葬從之

甲戌汰各衙門冗吏

乙亥上元知縣李彬秩滿以廉勤加應天府同知

北京國子監祭酒貝泰以近例監生年五十以上揀斥有虛

息養乞考其學行補教職從之

夜大星如碗青赤光出大陵入紫微西藩又星青赤光出羽

林軍流至濁又星青白色出雲中流至游氣

丙子行在光祿寺厨料悉取給外府

己卯行在刑部尚書施禮改刑部尚書行在吏部左侍郎黃

宗載為吏部尚書

大同左副總兵都督僉事曹儉有罪謫甘肅立功

辛巳都指揮僉事李福李謙張榮俱行在署都督僉事

癸未以庫貯洪武永樂時紵絲紗羅綾絹付工部頒各省如

式織上監察御史同部監驗收

甲申廣東神電衛指揮僉事張演署都指揮僉事巡備雷廉

乙酉行在光祿寺欲京民寄養牲畜上不許令寄內官監

戊子右軍署都督僉事丁信為都督僉事

夜月犯天關星

己丑瓦剌順寧王脫懽尙馬

庚寅命都督僉事丁信鎮守江西九江方行以涼州警召還

四川龍州宣撫司獻瑞麥上以旱蝗相望一麥瑞何以免

民饑自今天下凡類此皆毋獻

辛卯夜大星赤光出十二諸國秦星南至濁

壬辰僭運糧儲總兵官及各巡撫左侍郎與廷臣會議軍民

利益曰漕兌湖廣江西浙江每米石加耗六斗南畿五斗北

畿四斗徐州三斗五升山東河南二斗五升民運瓜州淮安

正糧大斛耗糧平斛仍二分米一分折物曰明年漕運四百

萬石收京倉十四通倉十六曰各三濟農義倉儲賑曰淮徐

臨清倉各遣監察御史監收曰松江徵荳萬石到京易腐改
輸綿布曰運軍歲支行糧二石曰疏南北運河曰歸德設閘
引睢水濟各洪曰運糧總兵官及巡撫官歲八月赴京議事
上皆從之

甲午定邊餉軍民兼運

乙未游擊將軍開平衛指揮使楊洪獲進都指揮僉事賜
織金衣一襲鈔三千貫

丁酉夜大星如杯光赤出穀流至北斗杓又大星青白色
出弧矢流至近濁

戊戌行在中軍右都督任禮為左都督率兵赴涼州備禦

十己亥朔衛王攝享太廟

行在戶部左侍郎王佐往甘肅提督軍餉

庚子以阿台朶兒只伯等患邊諭兵部示擒斬賞格

前行在光祿寺卿郝郁少卿張澤寺丞王興倪琮等既有罪

下獄上宥郝餘譴外

昏刻火祀土星

壬寅重立孝陵神功聖德碑

勅諭阿台王及朶兒只伯等

丁未翰林院庶吉士宋璉胡端禎廖莊為行在給事中
監察御史劉濱配忽降

典史

戊申許山西罪人納贖大同

己酉減除天下增額并人戶消乏課程

庚戌革廣東高要縣清岐關

辛亥晉王美圭請鎮國將軍美垓美堉居平陽守先塋

從之

出京庫布市馬甘肅

設天下衛所儒學陝西按察僉事林時言之

壬子召太常寺少卿魏驥行在翰林脩撰王鈺檢討陳璉

癸丑日本入貢

甲寅署都督僉事李謙守備赤城

乙卯鎮守遼東太監亦失哈等請討朵顏三衛 上不許等

勅頭目約束

潮決海鹽

昏刻大星赤光自壁宿流至游氣

丙辰重慶知府孫曰良言四事罷雜造局額鹽二十五萬餘

斤免赴成都等衛令自關領巴縣稅糧宜貯廣濟倉俟農隙

運小河守禦千戶所省茶倉正副官
上從之
庚申諭行在吏部曰方面郡守九年陞用其與大臣會議使
常流不得倖進

豐城侯李彬督運京倉米荳三萬石給赤城獨石雲州鵬鶚
哨馬營

湖廣災賦俱准鈔

曉刻大星赤光自雲中南流至濁

辛酉順天保定順德真定旱蝗許荳准租

壬戌陝西罪人發陝西苑馬寺牧馬

丙寅廣平侯袁禎卒予祭葬

是月西人數百騎犯陝西紅寺見恣掠右副總兵都督李安

遣指揮彭智千戶樊玉等追至黑河大敗之

十 戊辰朔日食

庚午遼東總兵官巫凱副總兵曹義不協勅責之

行在吏部請起補守制御史 上以奪情不許

辛未城臨清縣

壬申妖賊孫旭林等伏誅旭林本吉水僧至安福武功山同

婦人匡氏幻惑游南京託符水療疾云神與劍印誘人官爵

闌入東安門刃傷門卒被執
癸酉復勅諭海西各衛野人女直都指揮頭目人等令鈐束
諸夷

行在兵部尚書王驥言事繁請監生十人書寫歷三年照例
出身從之

甲戌夜大星赤光出天大將軍西流至霹靂

丁丑勅行在兵部曰比聞順天直抵山東歲歉民艱所養馬

匹死損合償補者俱俟來歲收成後

戊寅萬壽節遣祭長陵獻陵景陵

辛巳命各布政司都司嚴督所屬栽種桑棗

壬午行在兵部左侍郎柴車往甘肅同總兵鎮守官整飭邊

備召還右侍郎徐晞

癸未戶部郎中員外郎主事四人監收南京諸衛倉儲

甲申浚祥符金龍口舊河

丙戌行在左通政周銓為行在右副都御史總督南京糧儲

禁僧道私度

己丑朝鮮國王李禔遣賀明年正旦

行在兵部請遣監察御史清軍命俟來歲

夜大星如碗赤光出文昌流鬼宿後三小星隨之

庚寅儒士盧忠以經明行脩應薦吏部驗忠軍籍當補伍

上命試之試可用擢太平府訓導曰戎伍得人孰與學校得

師

壬辰朝鮮訴建州衛都指揮李滿住屢誘忽刺温野人擾境

乞討命細冠王自備之

癸巳夜月掩氏宿

丙申行在翰林院編修梁禔為脩撰進士羅綺王通為監察

御史

復楊秘徐州知州秘秩滿當遷軍民乞留遂加從四品俸

行在大理寺右少卿陳鹵考察畿內官

丁酉行在右通政李暹為通政使仍提督京倉糧儲巡撫陝

西侍郎李新調宣府大同復羅汝敬行在工部侍郎仍巡撫

陝西

十戌戌朔行在欽天監進正統元年大統曆御殿受之故事十

一月朔進曆是日日食移之

故左都督阿卜只奄子脫、李羅襲錦衣衛帶俸指揮使

己亥定赤城堡中淮浙長蘆鹽引米一石四川福建山東河

東鹽引五斗哨馬營中淮浙長蘆鹽引九斗五升四川福建
山東河東鹽引四斗七升獨石衛中淮浙長蘆鹽引九斗四
川福建山東河東鹽引四斗五升皆不拘次支給

妖賊張普祥伏誅普祥以真定衛卒匿井陘稱七佛祖師勾
黨河南山東山西畿內約先陷彰德忽百餘人入磁州而敗
普祥走栢鄉遞運大使魏景原獲之械入京

庚子吏部考功郎中余可才為通政司左通政

故監察御史海寧李貞為揚州知府長洲知縣韓瑄為武昌

知府貞建文末棄官去臨平山中因謫佃玉田至是薦用

罪人補國子監膳役

壬寅命少傅兵部尚書兼華蓋殿大學士楊士奇少傅工部

尚書兼謹身殿大學士楊榮行在禮部尚書兼翰林學士楊

溥輪議建言事以禮部尚書胡濙請也

丁未行在右僉都御史李濬巡撫遼東

庚戌昏刻大星赤光自行空雲中

辛亥免甘肅土民雜徭

壬子甘肅報官軍連敗阿台朵兒只伯於平川黑山擒斬二

百六十餘人

癸丑沙州衛都督困即來以侵於哈密率部衆二百餘帳款
塞命給米麥

甲寅給事中朱良暹李運右評事荆璞行人蕭鑿序班苑格
博士譚善州同知王英知縣閻濟彭鑑胡敏府經歷姚勉
縣丞王順俱為監察御史起復監察御史王讓孔文英陳穀
鄧榮軒輓張政召予告監察御史曹習古鄭嘉各清軍京省

丁巳復張麟定興縣丞從邑人之請

戊午作大德觀

甲子四川布政司右叅議沈升為北京行太僕寺少卿

定四川松潘茂州轉餉民運七之兵運三之

丙辰正統元年

正月卯朔上御殿受朝賀

戊辰琉球入貢

庚午行在右軍都督僉事丁信為寧夏左叅將召甘肅總兵

官太保寧陽侯陳懋守備延安綏德行在右僉都御史郭智
還京

乙亥宥雲南等失朝官

丙子裁貴州銅仁府稅課司

丁丑夜大星赤光出天圜流天社後四小星隨之

己卯衛王攝南郊

府軍右衛指揮僉事金玉署都指揮僉事鎮守西寧

論莊浪等一衛禦胡功右副總兵都督僉事趙安為都督同

知餘陞賞有差

辛巳分遣廷臣祭各陵歷代帝王先師岳鎮海瀆

勅諭文武群臣

乙酉廣東布政司左叅議黃翰言四事曰保薦宜破格曰黜

生就近充吏曰清軍酒寃實曰告狀不許老幼出名從之

丙戌召鎮守湖廣行在右副都御史賈諒

罷貴州銅仁府金場局

丁亥行在兵部郎中呂爰正為行在通政司右通政清理武

選貼黃

庚寅大學士楊士奇等言京軍數多宜令餘丁於北京曠土

屯種從之以京軍三萬分屯

壬辰山西行都司署都指揮僉事石亨為都指揮僉事獲

甲午行在中軍左都督任禮為平羌將軍左副總兵行在左

軍都督同知趙安為右副總兵仍鎮守甘肅右軍都督僉事

李安為都督同知同行在兵部右侍郎徐晞鎮守涼州

吏部大計去老疾二百五人闕冗七十四人醜暴五人

減陝西苑馬寺官吏二十餘人

二期戊勅沙州衛都督僉事因梁軍東衛指揮僉事可見即等還所

掠西蕃阿端貢物

庚子右僉都御史郭智叅贊寧夏軍務

勅太監李德同通政使李暹提督太倉并象房牛羊等房倉

場巡視通州至臨清徐州淮安等倉

壬寅定沿海衛所官軍犯徒流納贖調戍限程三千里

癸卯進士王傑陳浩為刑兵科給事中

少詹事兼翰林院侍讀學士王直侍讀學士陳循主禮闈

禁內外法司鍛鍊刑獄

乙巳四川長寧安撫司改隸疊溪守禦千戶所舊隸松潘

丙午嚴逃民不復業之禁

丁未應城伯孫傑諫娶良家子為妾責業太學不謝見劾下

錦衣獄

己酉始設直隸永寧縣儒學

夜月犯軒轅右星白虹貫月

壬子行在鴻臚寺左少卿張隆為行在右通政

癸丑誅行在戶部郎中蔡穰錦衣衛百戶王興穰穀糧廣東

索賄事聞命興逮之受賂不即至

甲寅行在吏部言監生淹滯或白首不霑一命乞年四十五

十以上聽補典史吏目稅課河泊倉場等大使從之

乙卯諭襲爵公侯伯悉從成國公提督操習稍暇究書史

設雲南金齒軍民指揮使司儒學

丙辰行在禮部上經筵儀注初大學士楊士奇等請開經筵

命推講讀官於是初太師英國公張輔知經筵事少傅兵部

尚書兼謹身殿大學士楊士奇少傅工部尚書兼謹身殿大

學士楊榮禮部尚書兼翰林學士楊溥同知經筵事少詹事

兼侍讀侍講學士王直王英侍讀學士李時勉錢習禮侍講

學士陳循侍讀苗衷侍講高穀脩撰馬愉曹鼐兼經筵官保

直太子太保成國公朱勇少保兼工部尚書吳中吏部尚書

郭璉禮部尚書胡濙兵部尚書王驥刑部尚書魏源都察院
右都御史顧佐侍班日講止講讀官四人保直不侍班先書
次經史

十寇大同車房口千戶葉林死之又百餘騎入黃牛坡都指
揮石亨追敗之勅責總兵官都督同知方政以指揮丘昂李
政失援斬以徇

丁巳琉球國中山王尚巴志入貢

己未南京內官屢求增軍匠不許勅南京守備太監王景弘
襄城伯李隆參贊尚書黃福曰朕體祖宗恤民之心造作

一切皆罷爾等宜益從儉約

癸亥吳縣主簿吳復為知縣以廉能邑人留之

丙寅擇通經秀才為教官塾勲臣家

夜大星青白光自星宿流至濁

三丁卯朔策貢士劉定之等百人於奉天殿賜周旋陳文劉定

之等進士及第出身有差

瓜哇入貢

戊辰遵化衛指揮使陳亨為都指揮僉事鎮守密雲
辛未行在兵部右侍郎李郁下獄以私囑錦衣衛事也

癸酉報一犯山丹衛殺指揮陳元

行在刑科給事中李原縉下獄以予告還湘鄉聞國喪不臨

且娶妾湘鄉訓導姜士榮劾之

乙亥始御經筵吏部考功郎中李茂弘歎曰君臣情不相決

經筵具故事耳未必無意外虞也茂弘尋予告

談遷曰上時十齡雖狗齋敦勉豈遽能隆泰交而洽咸

受哉旃席之上橫經敷析功需歲月於大臣誼不薄而猶

屢考考功之扼腕者或王振微露其奸乎不然何先幾去

之也

戊寅選翰林院庶吉士王鑑劉鉞余忭王尚文伊侃李震王

忠王偉徐理徐瑛吉鏞顧暄雷復命少詹事兼侍讀侍講學

士王直王英教習

祀唐江西觀察使韋丹於南昌按察使石璞等疏

已卯增南京旗軍月餉

四川左布政使甄寶縱子侵利削其籍

庚辰除行在都察院右都御史顧佐軍籍司左父澄大同稅課

衛安

改雲南廣邑州於石甸

壬午梁王瞻垵言居地卑窪求改建不許

癸未安成公主進封安成大長公主

行在吏科給事中王湛匿父喪下獄削籍

甲申行在工部尚書李友直提督京倉糧儲

命南京運胡椒蘓木三百萬斤於北京

召鎮守甘肅總兵官太保寧陽侯陳懋少監林壽回京械副

總兵劉廣入京以入鎮番衛被論

逮遼東都指揮僉事康政以入大水峪舊犂驛也

乙酉復陶銓武清縣丞時汰兄員邑人伏闕言其廉平從之

丙戌夜大星青白光自軫宿流至庫樓

丁亥東安知縣王睿薦陞合州知州邑人乞留令仍署縣事

戊子蔚州衛改蔚州左衛

少保兼戶部尚書黃福言四事曰鈔法日輕宜收舊鈔量出

新鈔換銀曰鹽商久候不得支宜遣勘補足曰行在衛所官

軍俸米俱南京運給路遠多道費宜派有司折收銀布絹段

輸北京准俸曰兩畿權豪占田遣官勘報起科上以遣官

騷擾且需之

己丑豐城侯李賢督口外運糧時轉京倉十萬石赴永寧隆

慶懷來諸衛

守備宣府都督僉事馬昇失事謫遼東立功

庚寅湖廣布政司檢校程富言四事曰親近師儒講明道德
曰採洪武以來舊制如官制禮儀財帛軍國賞賚刑罰著為
定式頒示遵守曰歸順韃官人等日累月增動以萬計乞量
賜資漿遣住江南衛所省京廩杜厲階曰選大臣巡視邊塞
凡戎馬出沒之地皆高城深塹謹其閘隘廣植榆柳來林
大阻遏去伏兵邀路上嘉納之
辛卯先陽和衛指揮僉事丘昂失機命斬昂委內官官保巡

邊怯敵遂降保內使杖昂百成大同

甲午增赤城等堡烽堠

謫光祿寺丞董正等十四人戎甘肅坐侵費俱械入

增廣寧前屯衛抵義州廣寧烽堠

夜大星青白光出貫索流漸臺

四月丙朔工親享太廟

己亥賚勲臣都督太常光祿等官軍有差

庚子進士高旭舒瞳石瑁劉益金昭伯劉剛鮑暉為行在給

事中

行在禮部右侍郎王士嘉行在工部右侍郎邵旻行在右副
都御史陳鼎右僉都御史魯穆行在大理寺左少卿程富巡
視畿郡捕蝗

忠州訓導宋廣乞校甚力孔廟從祀先賢名爵位次刊圖頒行
從之

定陝西行都司屬衛軍田如民田起科仍給月餉

四川鹽井衛募商中鹽

庚戌增內外衛所知事吏目各一

汰涼州各衛冗官冗卒

壬子賑畿內流民雜停柴炭等役

癸丑復張麓高平主簿以秩滿邑人留之

雲南右布政使周璟於妻服內娶再醮婦遠下臺獄免官

乙卯夜月犯牛宿

丁巳封韓王子範圮開城王範抑西鄉王範整平利王範瑛

張城王範暨通渭王

戊午安南權署國事黎麟進香并賀登極兩宮尊號

右僉都御史李儀巡撫宣府大同提督屯種糧儲

己未復胡信滄州判官

庚申以歲歉勲臣都督祿厚無兵事罷其馬匹草料

辛酉秦府保安王志嫔薨年二十七謚悼順

壬戌行在戶部左侍郎王佐乞覈五軍各都司衛所太僕苑

馬寺馬數兵部議文皇帝秘馬數不許人知且仍軍民舊

牧從之

癸亥進士王弼李詢鄭悠侯臣宋雍為給事中

甲子琉球中山王入貢

命河南湖廣三司往覈鄧州均州內鄉光化等縣客戶入籍

以野僻贅聚不受徭賦也

乙丑初山東鄉試教諭朱經賂彌封官易卷訓導江振代答

策事覺巡按御史任敬布政司叅議杜子良按察副使杜時

僉事楊潤俱逮下獄

逮陝西西寧衛指揮僉事穆肅下獄肅索西番把沙簇思俄

可馬不得証以盜掠死思俄可致叛

五朔寅朔右春坊右庶子沈黎為行在大理寺右少卿仍直文

華殿

丁卯新編勅符簿遺寧周楚魯肅潘遠韓唐伊鄭襄荆淮梁

趙秦晉靖江二十二王仍各賜書以易世紀元更屬稱換年

號也

逮廣東按察使陳禮下刑部獄禮婪情見劾

丁朶見只伯犯肅州新城營大殺掠

戊辰命山東按察司遣官分按遼海東寧

巡撫遼東右僉都御史李濬劾御史王濬給事中陳樞苛索

廩給散各衛易貂布巡按御史邵嵩章果朋奸不舉俱徵下

刑部獄

己巳命寧夏等衛收放糧芻同布按二司佐貳官及主事

庚午肅州衛指揮使故麟為陝西行都司都指揮僉事同都

督王貴鎮守肅州兼署衛事

寧夏總兵官都督同知史昭稱老求子鑑代不許授鑑寧夏

衛指揮僉事侍昭

辛未巡按陝西監察御史曹翼為右僉都御史提調甘肅兵

備屯種

壬申罷脩兩京冰池冰窖俱內官監取給舊隸禮部

湖廣布政司檢校程富請增小吏俸養廉行在戶部言國初

有定例惟畿內文職及軍衛幕因缺米全折鈔宜與米一石

從之

甲戌占城入貢

朶顏衛都指揮哈刺哈孫貢馬求使臣勅諭
工恐生釁令來使齎勅

夜大星赤光出亢宿流至濁

乙亥增濟南府通判專督易州山場柴炭

命各驛丞遞運所大使任滿俟代至給由

丙子貴州都指揮僉事顧勇鎮守普定等衛

丁丑起復山東按察副使王憲仍分巡遼東

戒京寺番僧初番僧曰大慈法王曰西天佛子曰大國師曰

國師曰禪師曰都綱曰刺麻俱光祿寺日饌又支廩餼工

即位奉勅減六百九十一人至是慈恩隆善能仁寶慶四寺

減四百五十人

戊寅大同後衛指揮僉事潘興為署都指揮僉事統領神統

勅淮府長史宋濟審理鄭鼎等啟王杖斃軍三人又招逃民

三千餘家種田皆違法朕始宥罪遷善改過無累王令德

夜金火星抗於井宿

乙酉免行在吏部尚書郭璉軍籍

廣西布政司右叅議胡永成削籍

戊子，數騎犯寧夏石空寺堡殺百戶弘

己丑晚刻大星青白光後三小星隨之行至游氣

庚寅占城使歸勅其王還暹羅貢使及我西洋軍二十餘人行在戶部右侍郎李新巡撫陝西急事改宣大引疾見劾下臺獄謫番禺知縣

壬辰監察御史傅誠毛宗魯卽嵩王濬胡正陳懋陶鏞削籍秦燾邵宗章果李縉降秩張璘盧琬張慶邵新致仕時行在都察院右都御史顧佐考察司勅佐御史有嘗犯贓罪及暴酷枉死人者悉降斥之他諸衙門官一聽堂上官考察有徇私容隱御史舉劾之

始設提調學校官湖廣布政司檢校程富建寧教授彭昂為監察御史富北畿昂南畿兩浙鹽運司同知胡軫為按察副使浙江鬱林知州劉虬監察御史薛瑄高起工部郎中高志吏部主事歐陽哲脩撰王鈺編脩彭琬檢討陳璉康振國子監學正莊觀皆為按察僉事虬湖廣瑄山東起福建志山西哲河南鈺江西琬廣東璉廣西振四川觀陝西各賜勅蓋少保兼戶部尚書黃福請之

癸巳祁州知州余徽獻瑞麥

乙未起復行在刑部郎中謝莊為西安知府給驛赴任
是月百餘騎犯遼東之撫順三角山都指揮裴俊擊敗之

斬三級

海陽縣大雨水

懷仁縣雨雹傷稼

六月丙戌裁天下郡縣吏

庚子申鎮守總兵官驛傳私給之禁

辛丑罷運茶支鹽例右僉都御史羅亨信言商人特引私販

虧官課也

壬寅香河知縣曹銘為順天通判仍署縣事銘秩滿邑人詣

闕留之

大興左衛帶俸署都指揮僉事李信為都指揮僉事同都督

李達鎮守洮州

乙巳作公生門於長安左右門外稍南

南京馬快船百艘至京命半留非奉勅不得應付

行在都察院右都御史顧佐致仕賜勅復其家

丙午江西右布政使陳智為行在都察院右都御史

丁未百餘騎犯肅州臨水站

山東備倭 軍都督僉事衛青卒

己酉黃巖颶風潮溢

庚戌遼東都指揮使劉清等轉餉松花江女真野人掠之戍
清甘肅

辛亥瓜哇入貢

壬子行在中軍署都督僉事李福往山東提督備倭

禮部左侍郎吳廷用歸省父景亮年九十三

癸丑考察故監察御史陳懋被斥求叙用命追奪勅命

甲寅山西布政司左叅政王來乞容逃民隨處附籍免糧稅

一年係軍籍俟勾補從之

乙卯署都指揮僉事李謙總督赤城獨石等處守備召永寧

守備興安伯徐亨還京

設涼州九溪永定鎮海太倉等衛儒學

先是教官九年秩滿得貢士八人方陞至是行在吏部量減
其數定教授得五人學正得三人教諭得二人訓導得一人
從之

行在兵部左侍郎柴車請徙在京降胡於江南尚書王驥謂
如永樂例徙河間德州等處從之

已未裁南京主事二十餘員

增萬全都司各衛經歷同收支糧芻

辛酉給遼東官軍馬價中駟絹五匹布十五匹下駟絹二匹

布十二匹

壬戌保定知府周監秩滿部人留之加山東布政司左叅政
食正三品俸

閏丁卯定蕪松官田賦如民田每畝糧四斗一升至五斗以上

減至二斗七升二斗一升以至四斗減作二斗斗以上至二

斗減作斗有司具數送部磨勘

考正孔廟兩廡從祀名爵位次頒示天下以忠州訓導宋廣

言

嚴自宮之禁

戊辰致仕福建都指揮僉事胡雄言子興嘗剗肝療臣目求

旌其孝上謂非恒道不允

己巳罷陝西續織駝駝初永樂中歲進五十匹陝西布政司

右叅政年富言既造綾絹種駝九百餘匹又加駝駝民用免

之

壬申昏刻月犯氏宿

癸酉昏刻月犯鏡開星

乙亥夜月犯南斗杓

戊寅兩京文武官萬全大寧都司畿內各衛所官折俸半支鈔半支胡椒蘇木

巡撫河南山西行在兵部右侍郎于謙言十事接濟邊儲武

官犯贓赴宣山西山東河南直隸班軍赴京優養軍士分三班一赴京一守城一屯種減省

吏役清理軍伍查勘逃戶禁止攬納中納鹽糧取用監生辨

理刑名存恤孤老上下部議

庚辰進士沈諫王用為吏部主事

靜海縣蝗饑有司徵索如故工聞命撫按官分視凡被災

處悉免其物料稅糧

壬午定陵祭百官皆淺色衣從朕如洪武永樂故事

行在右副都御史賈諒等舉推官吳宗知縣嚴敬魏忱馮成

縣丞王受序班劉甄可御史工重其任命理刑半歲乃除

授

順天蝗捕之

癸未秦州衛大雨雹山水溢漂官舍粟麥豈萬八千餘石布

三千三百餘匹

丙戌，六千餘騎犯肅州石關鹽池。

丁亥，太子太保成國公朱勇等以五軍各衛歲辦草百七十萬，今又加七十二萬，宜量減。上然之，毋過勞軍士。

戊子，行在吏科給事中儲懋為行在翰林院脩撰。

復楊節四川灌縣蠶崖關巡檢司巡檢，閔當番夷孔道節任滿，羗民奏留之。

己丑，起復山東左布政使劉中敷。

庚寅，故清遠侯王友孫鑑求嗣爵，不許。授羽林前衛指揮僉事。

辛卯，安南入貢，遣偽國公阮叔惠表求封許之。

甘肅都指揮僉事，后能冒功進都指揮，同知賜金幣。至是論奪。

壬辰，瓜哇使臣財富，致滿榮奏本龍溪縣漁人洪茂仔被倭掠，聞走瓜哇乞復業許之。

癸巳，古里蘇門答刺錫蘭山柯枝，方加異勒阿丹忽魯謨斯祖法兒甘巴里真臘貢使同瓜哇俱還國，賜勅。

選北京行太僕寺牡駒三千匹，牧於御馬監。

是月，西安驟雨水溢，傷稼。

七明午朔行在左軍都督同知蔣貴為右都督征番功

貴州妖賊卓馬等攻各番長官司奪其印官軍擊敗之斬數百級

乙未行在工部左侍郎李庸脩狼窩口蘆溝橋滑隄役二萬人

丙申武城左衛改獻陵衛右衛改景陵衛

武陟知縣何翁加懷慶府通判

庚子夜月犯房宿

癸卯遣視順天真足水災遼東高郵平定兗州蝗

甲辰襄王

瞻塔

自長沙遷襄陽初王以長沙旱濕求徙亢爽

地遂改襄陽

丙午夜大星赤光自斗宿流游氣後一星隨之

丁未河間知府姜濤為順天府尹

戊申前刑部尚書趙珣卒珣字雲翰夏縣人徙祥符入太學

洪武庚午授兵部職方主事進天下也戊圖進武庫員外郎

浙江右叅政永樂初使交趾卻覬進刑部右侍郎歷工禮部

至尚書丁酉改兵部尋憂去起復專塞外仁宗初改刑部

宣德庚戌致仕珣英偉多才善詩文雖久貴自奉如寒素卒

予祭整

已酉運河要見渡決

庚戌順天推官徐郁言四事曰南宋衍聖公孔端友扈蹕僑
衢州宋儒周敦頤程顥程頤司馬光朱熹子孫宜復其家脩
祠墓曰增設社倉曰戶口食鹽概收鈔曰罪人僉遞外餘項

止給引回籍 上從之

壬子夜大星如椀赤光燭地起壘壁陣流空宿

丁巳新野王瓊燁年五十二謚悼懷

已未運絹十萬於宣大折官軍俸糧兩月

庚申脩獻陵

辛酉琉球日本入貢

是月臨沅縣霜傷稼彰德久雨

八月丑行在福建道監察御史張忠邢端故出入罪下獄

丙寅廣西按察僉事楊復為大理寺右少卿進士李賢為吏

部主事

命各處歲辦禽獸俱准鈔惟鹿天鷲生致之

丁卯夜東西黑雲竟天

脩白河新隄

戊辰行在戶部主事言陝西邊務四事曰陝西遠運甘州各
衛三千餘里車推牛仆請自今運至蘭縣另軍轉涼州自涼
州轉各衛曰莊浪涼州各衛中鹽道遠召商不至請納蘭縣
每引米麥荳四斗於淮浙支鹽曰禁富室取息加倍曰獻俘
止首一餘戍江南上從之

庚午河南布政使李昌祺言三事曰設村市社學曰禁約僧
尼曰廬陵祠宋丞相文天祥追賜謚上納之

丁丑滄州知州劉謹加河間府同知
命提學憲臣兼督民間栽種桑棗

平江伯陳佐卒

戊寅勅諭瓦剌順寧王脫歡

己卯行在戶部右侍郎王瀾巡撫浙江喪母命奔喪訖即任
庚辰折收南京江西布絹白金代當租稅免輓運之勞從右
副都御史周銓巡撫江西侍郎趙新之請上又問禮部尚
書胡濙可行否對曰太宗皇帝於陝西浙江行之故有是
命遠近稱便而廩積少矣
初追徵兩淮鹽課逋負七十餘萬引至巡撫侍郎曹弘言荒
旱不堪遂盡免流亡者

許順寧王脫歡使臣布其私馬

壬午脩景陵

乙酉昏刻終夜大小星流百餘

丙戌夜大星青白光自昴宿流至濁後二小星隨之

丁亥給還故交陟布政司右叅議解縉家產

昏刻土星退犯壘壁陣

戊子德州知州常景先加濟南府同知

辛卯汰錦衣衛帶俸食糧官校令有小技者自食其技或為

諸王公主守莊墓者自食其力四夷降附老弱者悉就食南

京以省冗費

九月甲午監察御史軒輅等十七人清軍天下

漕運總兵及各巡撫入京會議軍民利便因停山西旱災夏

稅設清江提舉司造船用都指揮提督南京各衛屯租

濬沔河溢

有僧自宮者特戍遼東

命錦衣衛取囚刑部者賜駕帖以防偽

乙未脩曲阜顏子廟

丙申夜大星青白光出參宿流狼星旁後二小星隨之

丁酉行在工部右侍郎黎澄為左侍郎
戊戌陝西邊地民犯罪者聽納米麥荳自贖

辛丑停陝西雜辦

夜大星赤光燭地自孤矢流至濁

癸卯行在刑部右侍郎何文淵行在戶部左侍郎王佐右副

都御史朱與言同內臣提督兩淮長蘆兩浙鹽法

復徐善德平縣丞善先內艱服闋邑人奏復之至是又外艱

服闋民又詣闕留

甲辰作行在禮部印時尚書胡濙失印自劾不問

監察御史楊翰督理浙江沿海軍儲

夜大星自井流至柳

乙巳作應天府社稷壇春秋祈報初京郡不置今太社太稷

北祭故特及之

安南入貢

瓦剌順寧王脫歡使臣願受朝秩遂授阿都赤都指揮僉事

皮兒馬黑麻指揮僉事

丁未免西寧衛土達稅糧

夜白虹貫日

戊申勅緣邊諸將謹備瓦剌時瓦剌敗阿魯台兵勢甚盛因
通兀良哈女直諸部

辛亥許壽州黃萊荳抵租

未刻黑氣東西亘天廣二丈餘夾蒼白色

癸丑秦府永壽王志埴女弟選配行在右通政李錫子珍禮
部謂錫司喉舌不得連姻宗室從之遂更選

乙卯蘓州知府况鍾劾巡按浙江監察御史王璉越驛乘舟

需索下理刑部獄

丁巳惜薪司供役定河間永平順德一年大名廣平一年順天

一年遞代

夜參宿狼星動搖

己未都知監太監洪保度家人為僧二十四人

庚申行在兵部右侍郎李郁行在通政司左通政李亨封黎

麟安南國王賜馳印金印重五鎰麟告廟司徒黎察等表賀

遂遣雄捷軍管領蔡士明同知審刑院大夫阮日升謝貢方

物李亨一作蔡

辛酉廣東按察使陳禮怠事又賤直市香百斤見劾下獄削

籍

壬戌赤斤蒙古衛都指揮同知且旺失加等言擊北，脫歡帖木兒猛哥不花勝之進都指揮使陞秩五十一人。定大同副總兵羅文巡東路陽和高山天城鎮，四衛屬之。叅將陳斌巡西路大同左右雲川玉林朔川五衛屬之。其北青總兵官方政提督都指揮孫智。

是月大寧都司大雨水大無禾。

十月癸亥朔楊蘓常大風海溢。

行在吏部主事李賢乞重建太學從之。

丙寅夜大星如椀赤光燭地自天圜流天苑後二小星隨之。

禮部尚書兼華蓋殿大學士張瑛卒瑛字子玉邢臺人洪武

丙子貢士歷寧州武德衛宿遷縣訓導永樂戊子擢吏科給

事中侍皇太孫句讀仁宗初進春坊中允尋進諭德改

洗馬皇太孫即位進行在禮部右侍郎歷左侍郎兼華蓋

殿大學士丁未進尚書調南京甲寅憂去起復之年六十二

碌碌無建白賜祭塋

戊辰進士湯鼎齊整王鐸吳昇為給事中徐璟沈翼為監察

御史

武安知縣馬忠加彰德府通判

辛未行在兵部尚書王驥言北阿魯台敗績降人非率所
部及眷屬來歸者俱發江南衛所管束聽征調從之

甲戌作通州白河浮橋

丙子免松江今年旱災田租

脩江陵公安荆門江隄

丁丑泗州判官楊誠加同知

江陵知縣范理為德安知府

辛巳慶府岐山王秩煉堯年二十一謚悼莊

癸未沙州衛都督僉事因即來追護阿端貢使 上嘉之進

都督同知

免唐縣災租

丁亥左僉都御史張駿卒 瀘州人永樂辛丑進士

戊子瓦剌順寧王脫歡入貢

甘肅左副總兵左都督任禮先後獲百九十六人俘八人

入京

己丑五色雲麗日

庚寅命行在戶部左侍郎王佐同監察御史蕭啟措理長蘆

鹽務

辛卯太監阮安都督同知沈清少保工部尚書吳中役軍數
萬人脩建京師九門城樓

前南京兵部左侍郎甄儀卒麟游人 御貢士 授戶部主事 歷

十一月辰朔免兩浙運司逋課五萬七千引有奇

癸巳進賢知縣余耀加南昌府通判

談遷曰先朝意在惠民篤視守令不輕去其官既沿行著
聞雖九載秩滿狗吏民之請輒加銜留任下至丞尉游徼
之賤亦由從輿望朝懇夕俞朝野流洽真若家人父子然
有情必達有願必伸三代不是過也正嘉以後勢隔情疎
徒憑保薦又實俸不隄五年京秩貴於三省於是傳舍郡
縣動希汲引令府倅加於勞令州守進於半刺不曰右職
祇同沉錮所以吏治日蹙而莫可問也

夜月犯牛宿中星

甲午衍聖公孔彥縉來朝

遣視西安慶陽臨洮災傷

丙申陝西按察副使金濂督運邊儲時督運官羅汝敬傷於

湖廣蠻賊阿達阿哈等伏誅

丁酉以寇莊浪勅大同總兵官都督方政甘肅副總兵都督任禮等備嚴

壬寅免畿內被災草束

甲辰麓川宣慰使思任發侵孟定灣甸大殺掠雲南總兵官黔國公沐晟以聞

夜月犯畢宿

乙巳脩臨漳縣漳滏二河隄

丙午都察院檢校葛崇大理寺評事俞本行人司副王復行人范霞李素推官梁輯知縣吳復周乾州判官向侃以舉臺

秩送行在都察院繳獄

興化知縣李元學鳳陽主簿董翰俱秩滿邑人乞留加俸二級

丁未淮河清踰月禮部請賀不許

工部署右侍郎事知府張順為右侍郎

定州知州張麓署高平縣事麓以高平縣丞進定州高平人詣闕請留時高平已除令上以民望從之鎮原縣丞李顯憂去亦以民籲復任麓丞高平曰行在工部尚書吳中薦之已右都御史陳智等言麓在高平贓私狼籍及知定州畏其

繁劇自為高平人作奏留縣愈恣貪黷乞正中濫舉之罪
上宥中

監察御史章聰督延安綏德邊備

戊申免濟南災租萬九千石有奇

都察院右都御史陳智以御史李聰錄囚馭於大理寺怒責

管御史張勗四十於是給事中謂失憲體 上不問

己酉命在京官軍俸糧於通州倉支給

庚戌令逃民即占籍容土毋游食不賦

辛亥蘄州知州李信去署清河縣事信去令清河薦授蘄州

清河人奏留之

壬子巡撫陝西為事官羅汝敬言轉餉莊浪衛之紅城子被

掠無再困民 上悉蠲之

甲寅夜月犯角宿

乙卯命三品上官京各舉可御史者一人四品官及國子監

翰林院堂上官部屬科道官舉可知縣者一人吏部察用之

復陝西巡撫為事官羅汝敬行在工部右侍郎仍理前事

新鄉知縣諸賢憂去是人奏復之

免長沙 宣德十年災租五萬二千七百石有奇

辛酉巡撫遼東行在左僉都御史李濬為左副都御史仍理前事

復遵化縣鐵冶

十一二月朔免淮安戶口鹽鈔

甲子行在中軍右都督高文卒

贈

縣谷伯謚壯靖

夜火星犯天江星

丙寅行在光祿寺少卿李昉為行在右通政往理南京諸衛

官俸

丁卯大星如杯赤光燭地出折威至天市西垣後三小星隨

之

戊辰前軍署都督僉事都指揮僉事楊福卒

庚午都指揮僉事楊洪副署都督僉事李謙守備赤城

甲戌各邊總兵官不得遣入內地惟徵芻粟

乙亥給金牌信符送歸老嫗等處額目

丁丑故和寧王所部阿台王子及朵兒只伯斡馳邊下兵部

會廷臣議五日不工奏工曰謂朕冲人耶執兵部尚書王

驥右侍郎鄺楚下獄遂尋御史給事中各杖二十奪俸三月

戊寅起復濱州知州梁昭

己卯勅都督蔣貴寧夏總兵官都督同知史昭大同總兵官
都督同知方政等出兵勦

壬午曉刻月犯亢宿

癸未勅甘肅左副總兵都督任禮以騎一千卒二千從蔣貴
勦賊

乙酉命河南罪人納米蘭縣贖罪

廣西賊蒙再萬等悉平

庚寅發回先後尾刺使臣

行在吏部主事李賢言京師韃官不下萬餘較畿民三之一
月俸亦較朝官三之一而實支之數或全或半又且倍徙以
有限資無窮欲百姓富倉廩實不可得也近者荒旱連年五
穀不登天下米粟歲入數百萬軍民涉寒暑冒風霜然後一
夫得以數斛至京師中途衣食不贍至難救死有司曾莫惜
督責益嚴奪赤子養降胡又困覬運之卒而驅其力仁人君
子寧不痛心夫夷狄人安獸心荒忽無常來降不絕非誠悅
服慕中國利也——彼其在胡未有不種而食自致而衣者
今在中國則不勞而坐享之是故其來不絕者中國誘之也

誘而愈來無益之費尚不足惜前代五胡之鑒殆有甚焉近者邊塵數驚臣私嘗恐懼不能安寢乞勅兵部漸次調除韃官於天下都司衛所減殺其俸祿實所以分彼勢而銷未萌也。上是之議行不果。是年增鑄鉄蒺藜給開平赤城分布要害游擊將軍楊俊謂邊用利之行在兵部言洪永間諸司衛所各有雜造局造械其料出於軍民今動請之武庫非置局初意也於是南京等郡以贖緩給造不足則軍鈔戶食鹽稅鈔給之。

宣宗皇帝

丁巳正統二年。

正明午祔 宣宗皇帝於太廟

己未征西將軍寧夏總兵官都督同知史昭為右都督
夜大星赤光出紫微東藩流至游氣

丙申征西前將軍大同總兵官都督同知方政為右都督
丁酉廣東陽江等縣盜張三木仔公等作亂勅左布政使王

俊德等勅之

已亥丁數犯寧夏勅大同總兵都督方政都指揮楊洪率兵二萬出大同寧夏總兵都督史昭選卒扁都督僉事丁信出寧夏都督蔣貴甘肅右副總兵都督趙安出涼州會丁信等追襲阿台朵兒只伯等

壬寅太常寺博士方勉大理寺評事張哲侯爵行人楊永序班孫睿張鏞趙倫斷事張文昌知事康榮照磨判官胡信縣丞鄭傑教授上官民瞻教諭韓陽鄭顯訓導鄭觀曹泰成規齊韶王魏陸儔唐震俱為監察御史

癸卯鎮守山西右都督李謙為左都督偏頭關餘陞賞有差

丙午衛王攝南郊

戊申前工部尚書甄庸卒予祭葬廕子昱入監

己酉寧世子磐斌薨年四十三謚莊惠

右軍都督同知蕭授為右都督都督僉事吳亮為都督同知巡撫江西行在吏部右侍郎趙新母喪命奪情視事

庚戌廣西總兵官都督山雲等以泗城州土知州岑豹攻破

利州知州岑顏屢諭不服當討勅更諭之

巡撫大同右僉都御史李儀言和寧殘窮無所歸作臣作

叛小為邊寇此常情也嚴烽火謹斥候練士馬待其自遁則
無事矣今重兵出境棄所守地僥一勝賊倘伺襲我空虛
非策也 上是之然方政等已發不之止竟亡功
夜月掩木星

壬子免福州逃民逋租四千七百餘石

己未賑淮安揚州饑

是月涼州部夷李董哈刺苦出與妻來降入京卒李董猶言

平章也妻入宮子李羅官御馬太監

二月戊給陝西河州等一衛備邊土官俸舊不俸

癸亥賑鎮番衛饑

己丑行在光祿寺卿郝郁卒

戊辰豐城侯李賢為征西前將軍總兵官代都督方政鎮守

大同

巡撫大同宣府右僉都御史李儀下獄初儀劾管糧叅政劉
璉不法璉誣儀淫亂將都指揮石亨欲糾鎮守太監郭敬
啟儀悞洩之敬亨各訐儀因逮儀瘦死
夜大星赤光燭地自宗正流至濁

己巳復田恒衡水縣丞進從七品俸恒秩滿邑人留之

辛未進士馬諒高諒張敏魯世良為行在給事中
元刺使臣辭歸

癸酉發營卒五萬畿民一萬塞要見渡決口武進伯朱冕工
部尚書吳中開通濟河河去通州二百里係貢賦總會命太
監阮安往視安請役萬五千人從之

甲戌兩廣福建所輸南京稅糧聽納布絹

乙亥設行在欽天監渾儀

丙子勅諭順寧王脫歡復勅諭阿台及朶兒只伯等

己卯西鎮吳山廟火

癸未巡撫浙江戶部右侍郎王滄等以松門等衛累被倭寇
乞如洪武例免衛所轉輸專捍禦歲令都指揮一人提督從
之

甲申巡按陝西監察御史張政請鹽商載糧赴甘肅上納轉
遵化熟鐵十萬斤作兵器從之

乙酉省京師海印寺收鈔官

丁亥賑大名順德廣平饑

戊子裁甘肅苑馬寺併於陝西

三月卯朔監察御史盧睿為行在右僉都御史巡撫大同宣府

癸巳會寧伯李英有罪褫爵初西寧衛指揮祁震死子幼震庶姪謀篡襲震叔太平身馬英幽太平及義子拷於家義子死英被劾下獄

乙未鶴慶土官知府高倫弟純叔宣互爭殺勅雲南總兵官黔國公沐晟鎮守雲南都督沐昂等甚諭之

建陽縣丞何景春為知縣

丙申瓜哇入貢

丁酉亦力把也先卜花王入貢

壬寅友輝嗣華陽王

癸卯增雲南儒學師生廩米

乙巳夜月食

庚戌貴州蠻賊阿哈等平

癸丑增南京戶部主事監督草場又主事監督內府諸監局并光祿寺通委御史巡視仍右副都御史周銓總之

丙辰勅工部侍郎鄭辰右副都御史賈諒分治濟寧南北河

道王瑜武興協馬

丁巳真定知縣李守義加真定通判

賑長垣縣饑

戊午命監察御史金敬往大名河南陝西撫輯逃民時漢中府深谷中潛居四五萬黃河北岸亦團聚千餘

四庚申朔定文武官犯贓者解京餘本處訊結

辛酉 皇弟郟王冠

行在大理寺副夏銘推官曹瑋經歷李俊知縣馮誠判官馮

傑縣丞王受俱為監察御史

江西按察司獄逸二十餘人

蠲新安縣去年水災夏稅

壬戌賑鳳陽旱饑

丙寅復唐振滁州知州加正四品俸秩滿民奏留之

戊辰臨江知府朱得加布政司右叅政

庚午行在刑部右侍郎何文淵請提學官採訪山林才學之

士從之

辛未御史李彞等奉命清南京中官外戚占田六萬二千三

百五十畝分撥新軍

壬申監察御史李濬劾太監僧保金英等私創塌店牟利指揮

馬順等擲還奏喧論事聞俱下獄順論死

癸酉夜月犯木星

乙亥曉刻大星色赤自天舡流紫微西藩後小星隨之火星
犯壘壁陣

丙子禁伐天壽山樹木

戊寅命戶部官督捕蝗於畿內山東河南

壬午毛憐等衛都督同知李撒滿答失里等來朝貢珠五百

上諭行在禮部曰先王盛時四夷之獻惟服食器用毋有珍

寶撒滿答失里貢珠本意卻之宴使者而予之直聊酬遠誠

毋以為例

免廣平順德去年旱蝗田租開封彰德河南懷慶衛輝去年

水災田租

癸未陳豫嗣平江伯陳佐子

甲申賑西安鳳翔漢中饑

乙酉復管裕宛平知縣裕母喪邑人奏留之

夜大星色青白出天市西垣流游氣後一小星隨之

丁亥下嚴州祀漢隱士嚴光

己丑行人李磐序班劉甄推官胡宗知縣魏忱妣福為監察

御史

五庚寅朔行在兵部尚書王驥往甘肅理邊務

壬辰封代府遜炆宣寧王遜焮懷仁王楚府季叔黔陽王季
堯東安王季璽永安王韓府範圮開城王範抑西鄉王範壘
平王 王範塢襄城王範豐通渭王魯府泰堃東阿王泰騰鄒
平王

癸巳起復陝西布政司左叅政郭堅

甲午順德蒲州旱蠲其租

乙未行在中軍都督僉事陳敬卒

丁酉琉球中山王入貢

淮安邳州蝗遣捕之

庚子夜月犯木星

辛丑夜月犯罰星火犯土星

壬寅行在刑部尚書魏源往大同整飭邊儲

癸卯湖廣四川廣西雲南貴州官旗雜犯坐死以下俱送總

兵官立功滿日復秩其犯盜及土官軍民情輕者納米贖罪

乙巳丁五千餘騎犯寧夏唐來渠

戊申增大同等八衛經歷司經歷支收糧儲

辛亥夜大星赤光出卷舌流入文昌後五小星隨之

壬子封漢紀信滎澤侯謚忠烈祠於滎澤鄭州訓導郭明郁

上言榮澤孝義保漢紀信死節地遺墓尚存祠廟靡立故有是命四川通志紀信安溪人

復張信行在尚賢司卿加正四品俸
夜大星赤光自吳仲流至濁

癸丑安南入貢

乙卯勅鎮守陝西右副都御史陳鑑巡寧夏延安綏德編歷
邊徼同總兵官史昭都指揮王永區畫

戊午順德知府張時加山西布政司右叅政

旌義民吉安謝子寬浮梁范孔孫榆次于敏邳州鞏得海石

州張雷淮安梁辟李成俞勝徐成各出穀千石助賑賜勅復其冢自是為故事

六月未朔行在大理寺右少卿賀祖壽率京軍採草

癸亥徙陵水縣於南山萬寧縣於蓮塘

甲子誅陝西行都指揮使安敬初都督蔣貴右僉都御史曹翼勦一率兵至魚海敬贖而怯云前途無水草阻師都御史劾貴等失機工部勅尚書王驥責死狀而憐敬以狗馬大會諸將責敬曰若何逗撓誤大計斬之而謂貴曰將軍當死且責狀以報因誓師若等亡懼敵亡棄將不用命有如敬

吏卒悚服分部都督李安趙晏任禮蔣貴等自為戰守，大舉則合拒之遂能軍

丙寅勅讓寧夏總兵官右都督史昭^等以蔣貴進兵爾報，往亦集乃致貴不前今賊又犯唐來渠實爾等之咎其圖所以

自贖

戊辰行在右僉都御史魯穆卒穆字希文天台人永樂丙戌進士授御史敢言進福建按察僉事瘞暴骸毀淫祠理冤繩奸時稱鐵面正統初薦擢內臺捕蝗大名諸郡還朝沒不能殮同郡成賻之工部尚書吳中具棺衾重其行也賜祭給舟

歸其喪子崇志南京太僕寺少卿

己巳賑江都縣饑

定國公徐景昌卒賜祭塋

辛未陝西旱蝗遣官視之

壬申行在行人司副王復行人范霖推官馬恭陳固知縣計

澄嚴敬俱為監察御史

申戌命軍職老疾者悉致仕

禁罷閑吏及奸民結攬馮發把持官府起戒詞訟者杖戌連東

乙亥命宋儒胡安國蔡沉真德秀從祀孔子廟蓋肇慶知府
王瑩順天通判曹銘等言之

滑縣縣丞周斌為知縣仍理馬政秋滿邑人奏留

命乙榜貢士不願就教職者入監肄業從南陵教諭任倫之
請

順天通判曹銘請鄉試取士不拘額樂安教諭鄭顯請生員

如舊制學書習射泰州判官王思敏奏內外官如洪武例免

原籍差徭肇慶知府王瑩乞禁部民綁縛有司赴京俱從之

罷丹徒縣歲貢蘆柴

己卯夜大星赤光出紫微東藩流至文昌

庚辰行在右副都御史賈諒工部左侍郎鄭辰分賑鳳陽淮

揚徐和滁開封饑民

癸未西阿台孛兒只伯遣使納款

甲申勅占城三年一貢時歲貢瓊州知府程瑩言其勞費

七月黃道指揮岳謙千戶張阿老丁等便孛兒只伯賜襲衣幣

鈔有差

弛淮揚川澤之禁

辛卯行在右軍左都督陳懷為征西前將軍總兵官鎮守大

乙亥命宋儒胡安國蔡沉真德秀從祀孔子廟蓋肇慶知府
王瑩順天通判曹銘等言之

肆

滑縣縣丞周斌為知縣仍理馬政斌秩滿邑人奏留

命乙榜貢士不願就教職者入監肄業從南陵教諭任倫之

請

順天通判曹銘請鄉試取士不拘額樂安教諭鄭顯請生員

如舊制學書習射泰州判官王思敏奏內外官如洪武例免

原籍差徭肇慶知府王瑩乞禁部民綁縛有司赴京俱從之

罷丹徒縣歲貢蘆柴

己卯夜大星赤光出紫微東藩流至文昌

庚辰行在右副都御史賈諒工部左侍郎鄭辰分賑鳳陽淮

揚徐和滁開封饑民

癸未西丁阿台孛兒只伯遣使納款

甲申勅占城三年一貢時歲貢瓊州知府程瑩言其勞費

七庚寅遣指揮岳謙千戶張阿老丁等使孛兒只伯賜襲衣幣

鈔有差

弛淮揚川澤之禁

辛卯行在右軍左都督陳懷為征西前將軍總兵官鎮守大

同

壬辰除慶衛指揮同知李景為署都指揮僉事鎮守居庸關
癸巳瓜哇入貢

行在福建道監察御史王學敏納賂請託杖之百械三月戌
連東

己未行在行人李柰知縣胡鑑王子倫張斌周銓俱為監察
御史

丁卯寇莊浪都指揮魏榮等擊敗之擒渠帥把禿李羅傑兒只
丙申時韃官軍校勇士八等在畿內多占民田相聚騎射強

掠民財監察成規言之詔錦衣衛分捕犯死梟於其處徒流
者戌邊仍罪其頭目

丁酉平江將軍都督蔣貴出塞駐天鷲灣哨卒三人深入遇害
御史劾之記罪立功

庚子夜月生五色雲

丁未寧夏總兵官右都督史昭降都督僉事叅將都督僉事
丁信降都指揮僉事叅贊軍務右都御史郭智降監察御史
署都指揮僉事施雲降指揮僉事仍總兵叅將叅贊如故
戊申行在廣西道監察御史黃潤玉為廣西提學僉事

夜月掩大星

庚戌武清縣大雨雹傷稼

乙卯蔚州衛經歷夏寧加萬全都司都事寧秩滿官軍奏留
增四川按察僉事巡收邊儲

丙辰守備獨石都指揮僉事楊洪敗兀良哈擒渠帥朵纒帖
木兒

丁巳哈密忠順王瓦剌順寧王入貢

八月朔衡州蝗免田租

庚申行在兵科給事中金昭伯副籍時試明經儒士闈入午

門欲代筆也

癸亥進士侯瀾相佐為行在禮兵科給事中

乙丑固安縣雨雹傷稼

戊辰行在右僉都御史王翱還自江西蒞事

賑清河縣水災

辛未行在左通政李亨為行在光祿寺卿

壬申夜大星青白光自參宿流至游氣

癸酉封晉府美境交城王美堯陽曲王美瑄西河王美垣方

山王美塔臨泉王美壩雲丘王美壩寧河王

撒馬兒罕等入貢

甲戌光祿寺大官署正萬節湖廣都司副斷事周濟為監察御史

工海縣丞張禎為知縣時縣令闕上海人乞補禎而禎未九載工特從之

乙亥武安侯鄭能脩在京通州倉安遠侯柳溥役萬人脩神木廠

夜大星赤光燭地自文昌流至濁
戊寅進士鄒冕劉福為行在禮科給事中

遣視開封水災

己卯夜月犯井宿

壬午免山東順天廣平真定淮揚去年水災糧芻

甲申勅廣西總兵官都督山雲勅義寧縣叛蠻

夜北方黑氣東西亘天

九月朔命鳳陽陵戶附籍太常寺祠祭署舊隸皇陵衛已附籍

諭祭莊浪陣亡官軍

己丑蠲鳳陽淮揚漢陽水災糧芻

庚寅行在戶科給事中吳繪受賂以試明經入午門代筆械

長安門戍遠東

壬戌行在左軍都督同知方政右軍都督僉事羅文選理府事

乙未誅中都留守司署都指揮僉事陳鑑^鑑先備鬱林州縱盜脅商嫖百戶白旺蔣斌不誓杖斃之有卒索民饌不噍拔刀殺其女知州林長懋疏其罪

戊戌都察院檢校葛崇大理寺評事俞本推官梁輯判官向侃知縣方冊為監察御史

庚子起復河南按察副使榮華仍督理漕運

壬寅瓦剌貢使都指揮僉事阿都赤進都督同知察占進都指揮同知

甲辰蘓州通判邵謨為同知謨秩滿耆民乞留

夜月犯畢宿

丙午暹羅貢使泊廣州登陸其舟風失之事聞厚遣其使

戊申停大河衛軍器局

己酉河決陽武原武榮澤役民二萬軍千餘人治隄

庚戌守備獨石署都指揮僉事李謙被劾還京游擊將軍都指揮僉事楊洪提督守備獨石

己卯析雷州衛後千戶所置石城千戶所於高州析南海衛
後千戶所置靈山千戶所於靈山縣

遣賑寧海壽張東阿汶上陽穀鄆城范縣水災六月淫雨河

十月午廣西總兵官都督山雲言潯州大藤峽等山徭時劫掠
而左右兩江土官狼兵素勇徭寇憚之乞委土官都指揮黃
竑領耕近山荒田遇賊併勦從之

己未脩江陵松滋公安石首潛江監利決隄

辛酉起復巡撫兩淮山東行在刑部右侍郎曹弘時母喪

壬戌左春坊左庶子兼翰林院侍讀周述卒述字崇述吉水

人永樂甲申進士授翰林編脩進侍讀尋進左諭德宣德初

賈錄成進左庶子厚重簡靜性孝友文章雅贍能書

癸亥進士陳韶為行在戶科給事中周瑄行在吏部主事

甲子左軍都督僉事王瑜後軍都督僉事武興為左右副總

兵專總漕運瑜初鎮守淮安

中軍左都督任禮為平羌將軍總兵官左軍右都督蔣貴左

軍都督同知趙安為左右副總兵兵部左侍郎柴車右僉都

御史曹翼羅亨信俱叅贊軍務率兵討阿台朶兒只伯等

行在兵部尚書王驥太監王貴監督之都督李安侍郎徐晞

等居守甘肅叅將丁信領後軍俟遣

乙丑脩聊城陽穀決隄

丙寅通州知州楊衡秩滿民乞留加順天府治中食從四品俸

丁卯行在兵部左侍郎廡楚乞勅列侯五府并各營把總官在外三司巡按御史各舉謀勇堪戰之士不稱則連坐從之

夜月犯外屏星

辛未麓川宣慰使思任發侵南甸州土官刀貢罕地命雲南總兵官黔國公沐晟諭還之

壬申如臯知縣吳復歸安知縣周軌鹽亭知縣吳昌衍為監察御史

癸酉封遼府貴戚衡山王貴燠蘄水王蜀府友輝華陽王

定聖節表各司堂上官進正旦冬至首領官所屬佐貳代行

甲戌太子太保成國公朱勇新建伯李玉武進伯朱冕都督

沈清尚書魏源同太監王景弘等大選京軍得十五萬一千

有奇

夜大星青白光出闕丘流至雲中

乙亥行在刑部右侍郎何文淵請申輕罪收贖法給窮囚衣

糧如錦衣衛命行之

戊寅夏滑縣靈寶湘鄉旱災

辛巳甘肅參贊軍務右僉都御史羅亨信言都督蔣貴趙安等出塞駐魚海彼此齟齬逗留十日竟返今水凍草枯兵難再出乞來春專命智勇總兵官調兵仍出魚海如仍前委任不專彼此抗衡則賊無授首之期矣上深然之

壬午中山王欽賜田地揚州河南歸魏國公陝西順天歸定

國公

八十三多勅字恐是勅字

癸未命行在兵部榜有壯勇力齊通武藝願自効者在京許

赴通政司沿邊赴總兵官自陳亡論奴隸亡命坐罪人一槩

試用有謀略出衆者不次擢

諭遼東總兵等官今後外夷來朝止許二三人或四五人非

勘毋輒入之

乙酉上書止淮王祁銓入朝

十一月朔復劉恭盧龍知縣加從六品俸秩滿邑人留之

壬辰命優恤交趾歸附官民

甲午封哈密脫、哈木兒忠義王

丙申安定王亦攀丹入貢

衍聖公孔縉考來朝

戊戌建州左衛都督猛哥帖木兒子童倉訴七姓野人殺其

父臣同叔都督凡察百戶高早化等五百餘家遁朝鮮今欲

出遼東乞母為朝鮮所留上勅朝鮮國王李祔善遣之

己亥勅總兵官都督陳懷譚廣李謙王或等嚴備瓦剌時瓦

剌順寧王脫歡部落屯飲馬河購兀良哈三衛并野人女直

出沒

乙巳畿河南水旱免田租賑饑

戊申停陝西今年田租十之五屯糧十之二

壬子復林巍完縣主簿范文忠思州府都評我異貉蠻夷長

官司吏目俱秩滿民獠奏留巍食從一品俸

癸丑五百餘騎入延安金剛溝官軍追敗之擒五人斬二

級

十二月朔左副都御史吳訥行在右通政李珍下獄珍貪墨訥

不糾舉被劾

戊午冊皇姊順德長公主歸駙馬都尉石璟

己未禮部左侍郎章敞卒敞字尚文會稽人永樂甲申進士

選庶吉士授刑部主事辨山西冤盜雪數百人遷員外郎歷

禮部佐胡濙以嚴肅遇事不媿予祭葬
辛酉夜大星青白光出南河流至濁

丙寅夜月入畢宿

丁卯少傅兼尚書大學士楊士奇等言御史清軍以北人戍
南南人戍北彼此違土多死寒瘴宜清出北方軍發遼東甘
肅一帶南方軍發雲貴兩廣一帶工命行之

己巳徽州知州蔡茂銅陵知縣商賓俱任滿民留加茂肇昌
府同知審池州府同知各署縣

庚午武進伯朱冕為總兵官以宣大兵巡邊

甲戌益宣府大同糧餉以宣府餉半輸大同以宣府近地糧
料悉輸宣府

乙亥靖江王佐敬請立悼僖王碑以非故事不許

署都督僉事馬翔為右副總兵赴淮安同左副總兵王瑜提
督漕運

己卯河南山西八操官軍二萬四千人調赴宣大延安綏德
辛巳福餘衛等酋阿魯歹等糾五百餘騎渡葭州河敗歸西
涼亭游擊將軍都指揮僉事楊洪邀擊之斬六級擒百戶乞
里麻等三人明年正月俘入京集兀良哈貢使斬之梟於喜
峯口進

洪都指揮同知

甲申西、朶兒只伯貢馬

乙酉行在刑部右侍郎陳鼎平鼎字重器新興人 進士

授御史按江西有聲擢守建昌治最遷右副都御史尋佐刑

居官廉慎澹泊如初予祭葬

是年改永寧州隸貴州布政司

戊午正統三年

正月寅遣指揮同知陳友指揮僉事李全賚勅及綵幣八百往

大同賜瓦剌使臣又勅諭太師順寧王脫歡時脫歡請合兵

擊阿台朶兒只伯 上虞其請勅各邊備之

大同都指揮僉事石亨戴旺追、於豐山敗之時、三百餘

騎飲馬黃河

癸巳召兩淮兩浙長蘆整理鹽法內官同監察御史回京其

事悉令鹽運司領之

甲午太常寺卿姚友直卒蕭山人洪武甲戌進士

乙未裁各邊夷使錄廩毋重擾軍民

丙申游擊將軍都指揮僉事楊洪連敗於伯顏山寶昌州

丁酉衛王攝南郊

己亥復高文深澤知縣加從六品俸秩滿邑人留之

福建左布政使周頤等頌巡按御史趙奎蒞事捕盜功宜陞

擢行在吏部謂御史與利除害職也何擢為上從之

庚子陝西按察使王文為行在右副都御史鎮守陝西副使

金濂為右僉都御史叅贊寧夏軍務召巡撫陝西工部右侍

郎羅汝敬還京

池州知府葉恩請裁貴池縣學不許

寧夏等衛草湖隸寧夏河渠提舉司

增清浪靖州二衛積儲五萬石備急

乙巳曉刻東方大星青白光流雲中

丙午夜大星青白光出游氣

丁未右春坊右諭德黎恬卒恬字率性清江人進士授

御史薦守南靈州不鄙夷其民而治教之會黎利變北歸以

文行擢諭德至是展墓沒於家

辛亥夜月犯斗宿

壬子免河間大名保定荆襄陽去年災租

癸丑免文縣永寧縣水災田租

二月已閱安定門外地閱武

脩蘭縣黃河橋便甘肅餽運

庚申免河南田租七十六萬三千三百餘石

甲子夜月犯井宿

己巳景州同知劉深為知州深先守景州坐事降同知至是任滿部民詣闕留之

庚午夜月食

辛未夜大星赤光自天乳流游氣三小星隨之

甲戌進士錢英李春陳傳為給事中

各邊巡倉御史歲代初決歲受代易狎玩

行在工部左侍郎李庸同太監山濤專治兵器軍匠五千七百七十餘人

丙子巡按浙江監察御史王璉謂蕭山主簿周仁怠事當斥邑人訴仁勤敏非怠事者布政司勘如之命復仁奪璉俸半年

談遷曰主簿斗食之吏一經臺枰無堅席矣先朝徇耆民
之意伸於方伯曲坐旁使勞不遺賤罰不貸貴刑政得其
平矣今有司稍遭白簡類無以自白即按覆懼威不敢反
異况簿尉者流又何容喙乎

賑山東海豐縣饑

給寧國大長公主子孫賜田之半

丁丑夜大星赤光自玄武流游氣

戊寅留陝西署都指揮僉事陳斌守備延安衛寧塞哨馬營

己卯琉球國中山王尚巴志暹羅國王普里麻哈賴入貢

行在後軍都督僉事馬昇降山西行都指揮使先失機故

辛巳行在兵部尚書王驥偵朶兒只伯往狼山使左副總兵

都督蔣貴擊之驥同太監王貴都督任禮等率兵繼進檄寧

夏總兵官史昭等分道追勦誓曰勉旃不能成功毋相見也

貴感奮直前搏斃之渡河遁

癸未行在吏部驗封主事李賢言頃命文官誥勅九年乃給
夫誥勅之典人主所以摩厲臣下故事居官無過方許請給
稍有私罪輒有追奪是以其未得也兢、畏慎其既得也斤
斤保守九年之中人事不齊或有未滿遷去或有身故親老

人見榮難必怠庶久惟京官三年請給誥勅外官三年與本
身六年請封贈 上從之

三月酉朔勅宣府都督僉事黃真都指揮同知楊洪為左右叅
將脩開平龍門獨石潮河川城堡斥堠

丙戌設大同威遠衛

夜大星如椀赤光燭地自心宿流之游氣

戊子夜月犯畢宿

辛卯馬湖府貢士王有學疾阻計偕踰期至京當罰吏而有
學故籍長官司貢馬求宥許之

癸巳免鳳陽災租

乙未夜京師地震

庚子夜地震

辛丑賑平涼鳳翔西安鞏昌漢中慶陽

壬寅行在工部尚書李友直治通濟河旱擅放役者自劾下
獄尋宥視事

癸卯北京國子監助教李洪請南人歲貢聽入北監本監官
仍給牙牌膳役一年一代從之

甲辰地震暮又震昏刻大星犯井宿

丁未東平知州傅霖言 陛下即位卻珍奇之獻罷不急之
征取回內官糧儲之事以命巡撫侍郎清軍之事以命監察
御史天下歡忻歌誦聖澤而徐州臨清等倉仍用內官收糧
淮浙等鹽場仍遣內官併錦衣衛官校緝捕以臣愚見所在
收糧自有有司巡鹽已有監察御史內臣錦衣衛絡繹四出
瘠民膏血安所用之 上嘉納焉

戊申行在工部言通州白河自正統元年水溢為災請令把
總都指揮同知劉斌及通州役夫塞之 上曰決河非細事
再踰年乃言之何緩也部言歲三月始得順天府報 上怒

下府尹姜濤治中楊衡等於獄

已酉總督獨石永寧游擊將軍都指揮同知楊洪為都指揮
使

庚戌禁天下祀孔子於寺觀從永川訓導諸華之言

壬子行在錦衣衛後千戶所司吏莫煥等言本宣德七年鄉
舉疾踰試期責充吏乞仍會試圖報從之

酉刻大星如椀青白光燭地南流至游氣

癸丑孔顏孟三氏子孫教授裴侃言闕里家廟顏淵曾參孔
伋子也配享文殿顏輅曾皙孔鯉父也從祀廊廡名分不正

乞進孔鯉曾哲公爵偕顏孟之父遷配啟聖王叔梁紇工
然之

四月朔勅賑淮揚流丐

行在兵部尚書王驥同總兵官都督任禮蔣貴等擊朵兒只
伯於石城敗之。食盡覓兀魯乃地北依阿台貴以二千五
百騎間道出鎮夷兼程三日夜拒戰指揮毛哈刺衛堅大
敗之擒左丞脫羅等百餘人斬三百餘級逐殺八十餘里阿
台朵兒只伯僅數騎走是日任禮至梧桐林執偽官十五人
明日俱至亦集乃執偽萬戶二人令為鄉道將二千騎追之
五百里至黑泉而還偽平章阿的干以餘黨降右副總兵都
督趙安等出昌寧至刀力溝擒偽右丞等俘三十人時出塞
千餘里東西合擊一幾盡

談遷曰王襄毅臨邊雖斬都指揮吳敬有李光弼狄青之
風而丁巳再出師並無功戊午夏始夾擊克之猶是兵將
也通試則通練蔣貴等不曾駐魚海逗留十日予勅責再
四終致振凱則襄毅發縱指示之力也往者蔣貴趙安彈
文盈篋工不為動則御將有其術非可以人言遽予遽
奪之矣

夜大星青白光自柳宿流至游氣

癸亥裁雲南尋甸軍民等六府同知推官知事照磨檢校官

乙丑 宣宗章皇帝實錄成

賑碭山寶應淮安嶧先澤饑

丙寅封左都督任禮寧遠伯右都督蔣貴定西伯並祿千二

百石都督趙安會川伯祿千石行在兵部尚書王驥兼大理

寺卿支二俸行在兵部左侍郎柴車行在右僉都御史曹翼

羅亨信俱進俸一級禮貴安驥各金八十幣一車翼亨信各

四十幣四餘陞賞有差

談遷曰諸將報捷纔一日而爵賞及之矣鼓厲行間曾不

淹刻酬功之速如此諸將有不兢勸者乎假坐俟驗覆必

需歲月不惟戰士解體且薄視制閫為不足信矣當時即

凱即封制閫無所飾廟堂無所疑則三楊能知人善委任

焉

實錄恩監脩官太師英國公張輔總裁官少傅兼兵部尚書

華蓋殿大學士楊士奇少傅兼工部尚書謹身殿大學士楊

榮禮部尚書兼翰林院學士楊溥總裁兼纂脩官少詹事兼

翰林院侍讀侍講學士王直王英各賜百金幣六羅衣一襲

鞞馬一纂脩官侍讀學士李時勉錢習禮沈萬蘭從善侍讀
苗衷曾鶴齡馬愉侍講高穀胡稔邢寬脩撰周叙尹鳳岐孫
曰恭習嘉言陳叔剛陳詢曹勗儀銘王一寧杜寧儲懋編脩
楊翥董璘楊壽夫林文鍾復主事劉球劉鉉洪璵評事張益
各金四十幣三羅衣一襲侍講學士陳循金三十幣三御史
邵宏譽金二十幣一羅衣同稽考叅對并催纂官編修蕭鏞
賴世隆吳節檢討李紹姜洪何垣主事滿勤正字沈寅各金
二十五幣二羅衣同騰錄官金幣各有差已賜宴禮部
庚午除泗州清河等縣去年水災田租

辛未總裁官楊士奇楊榮俱少師楊溥少保兼禮部尚書武
英殿大學士總裁兼纂脩官王直王英俱禮部左侍郎兼職
如故纂脩官李時勉錢習禮蘭從善俱翰林院學士苗衷侍
讀學士曾鶴齡馬愉高穀俱侍講學士周叙尹鳳岐孫曰恭
習嘉言陳叔剛陳詢俱侍讀曹勗儀銘王一寧杜寧儲懋俱
侍講楊翥董璘楊壽夫林文鍾復張益御史邵宏譽俱修撰
主事劉球劉鉉洪璵俱改侍講
壬申祀元雲南行省平章政事瞻思丁於雲南以按察副使
徐訓言其降羅槃甸功迄今感慕

癸酉涿州知州朱瑛加順天府治中復衛昉汝上知縣皆任滿部民留之

甲戌復武全處州知府鍾榮奉化主簿初巡按御史王璉參政俞士悅副使江鍊斥之訴枉得其實士悅等以附御史罰俸三月

戊寅遂平王有頰薨年三十四謚悼恭

己卯北京國子助教翁瑛子世資求入監不許命自今入監俾科目出身勿得諸司歷事

庚辰三百餘騎犯鞏昌迭烈孫城千戶王瑀道論死巡按

御史賈璉疏悞逮下獄

夜大星赤光出危宿流至梗河

五乙酉作太倉庫於京城東北

夜大星赤光出南斗流至雲中

丙戌復張軌汾州知州食從四品俸

丁亥裁青州鎮遠州舊鎮遠府附郭

戊子夜月犯軒轅左星又大星赤光燭地出天津流至雲中

庚寅書天下文武姓名於文華殿

增兖州通判專督濶壩河道

裁貴州烏羅府其平頭者可二長官司隸銅仁府朗溪蠻夷
長官司隸思南府

昏刻火星犯積屍氣

癸巳遷甲乙丙丁等庫於內府

乙未起復光祿寺少卿張惠

戊戌陝西按察副使郭振奏最進山東左叅政食正三品俸

復郭麟晉州判官食正七品俸

己亥瓜哇入貢

庚子脩天下郡縣申明旌善二亭戶部主事張清言之

壬寅雲南南甸騰衝二州尾甸干崖二長官司潞江安撫司

仍隸金齒軍民指揮使司

丙午燕山左衛指揮使馬誠侵餉械兵部前三月戊戌威遠衛

壬子溫處逃民數千人潛掠福安縣銀鑛命浙江三司招諭

之

六月甲寅曉刻大星赤光南流至近濁夜大星出天圍流雲中

乙卯真定同知黃忠為知府以考最當遷吏民數千人留之

彭城伯張景率景永城人太皇太后兄也靖難初從征克

大寧擢義勇中衛指揮同知尋進指揮使仁宗初進

中軍左都督封給誥券

丙辰 科給事中湯鼎行人高寅初諭安南國王黎麟以侵
安平思陵二州地據人畜其悉歸之

戊午許瓜哇國通事良殷還龍溪縣

己未雲南總兵官黔國公沐晟等言麓川宣慰使思任發累
侵南甸干崖騰衝潞江金蓋 工勅晟相機勦捕又勅思任

發果革心宥罪

辛酉行在吏部文選主事吳昉歸省縱舍人嘗有司又贖貨
亡筭事聞成大同

甲子行在翰林院學士李時勉乞假還里

乙丑行在大理寺右少卿陳鹵李昉赴陝西西寧僭運川茶
百萬斤

設福建永福堡守禦千戶所

丁卯安遠侯柳溥為征蠻將軍總兵官鎮守廣西都督僉事
田真為參將時都督山雲疾以溥等代之

設古浪守禦千戶所

止巡撫陝西右副都御史王文八月入京議事

戊辰夜月犯牛宿

癸酉行在兵部郎中羅通降北流縣容山關官初從王驥甘肅私中鹽索諸將金帛裘馬又據將貴戰功奸軍婦驥以聞下獄謫

行在刑部尚書魏源以旱災請各省錄囚從之事歸巡撫否則屬巡按清軍御史

乙亥麓川宣慰使思任發侵金齒黔國公沐晟遣署都指揮僉事李友拒之且濟師上命右都督方政署都督僉事張

榮往雲南協同鎮守使右都督沐昂率兵討之

丁丑停河南戶口食鹽二年

行在刑部以子弒父妻殺夫之獄上命即誅之

夜月行旱宿

戊寅錦衣衛指揮劉源賈勅戒諭遠王貴哈不友於諸弟待庶母寡息奸江陵瀘溪二郡主捶死長史杜述居國多過

右都督馮斌鎮守荊州

庚辰勅諭木邦宣慰使罕門法會討麓川

辛巳署浙江都司左軍都督僉事許亨卒

杭衢處台溫金華紹興寧波嚴南昌九江各旱

七癸未朔行在都察院照磨周璵司務官受國子學錄李奎知

事章珪為監察御史

行在禮部失印尚書胡濙等下錦衣獄尋釋之
賑無為高郵興化碭山奉新清水上虞饑

甲申復鄭談廣平府推官食從六品俸

遣視西安延安慶陽平涼鞏昌臨沔雹霜傷稼

夜大星青白光出七公行至雲中

丙戌翰林院學士錢習禮侍讀陳詢主試應天

戊子夜大星如椀赤光自右旗行至近濁

庚寅行在戶部尚書劉中敷右侍郎吳璽等改支通倉官軍

俸糧於京倉被劾下獄

己未行在戶部左侍郎王佐仍提督京倉

己亥夜中天蒼白雲氣亘天貫南北斗

庚子以思任發假首金銀器象馬尋據潞江因羈其使於沐
晟所

癸卯遣視陽武武陟廣平順德河決歸德蝗俱傷稼
且築沁河隄

甲辰夜月入畢宿

乙巳鴻臚寺卿劉順卒予祭

庚戌復楊彥楨嚴州府同知食從四品俸彥楨任滿部人留

之

辛亥減南京官吏食鹽之半

壬子晝大星赤光流雲中

是月應天安慶常薇池旱災

八月丑朔金筑安撫司鎮寧永寧安順三州俱隸貴州布政司

普定衛隸貴州程蕃等十三長官司平壩驛俱隸貴州宣慰

司木瓜麻嚮大華等四長官司隸金筑安撫司增金筑安撫

司流官同知

設安順州流官

罷陝西諸邊提督收糧主事

甲寅保定伯梁瑄印馬太僕寺少卿白素私遺之下素獄

乙卯慶王梅薨王好學有文章年六十謚曰靖

行在翰林院侍講學士曾鶴齡侍講王瑛主試順天

蠲京城外菜地稅鈔及江南蘆鈔

己未築高郵湖石隄

庚申保定伯梁瑄印馬細賄且聚妾被劾逮下獄

辛酉北關火改十五日更試

壬戌復寧夏總兵官史昭右都督叅將丁信都督僉事仍鎮

守寧夏

乙丑復葉麒東阿知縣食從六品俸

河決邳州灌諸邑山東魚臺金鄉嘉祥尤甚巡撫右侍郎曹弘以聞命隨宜捍築之

戊辰覆視兗萊水災德安黃岳荆武昌漢陽旱災

己巳翰林脩撰陳用為侍講進士黃平為吏部主事

辛未巡撫直隸工部右侍郎周忱兼理松江分司鹽課

癸酉江西按察使石璞降副使以囚逸不盡獲

乙亥行在吏部尚書郭璉為朝臣考滿者請勲階上曰勲

階所以寵百官例授罔勸初考不稱者勿濫與之

丁丑復吳堂富陽知縣

己卯命祭孔廟非土所產者鹿兔代以羊榛栗代以果從桂

東知縣范忠之請

九月午朔知州柯暹監祭御史郭智為浙江福建按察使監祭

御史李敏王琦為廣西山西按察僉事

癸未遣視濟寧東平徐州水災

乙酉行在工部尚書李友直卒友直字居正清苑人充北平

布政司吏靖難初告密功授北平布政司右參議後改行部

左侍郎董營繕改行在工部 仁宗初拜北京行部尚書
宣宗初改行在工部自刀筆吏小歷享榮壽誠至偉矣予祭
葬

許相卿曰友直閭閻匹夫刀筆賤役從齊豹例書盜例宜
矣不祥姓名奚足污簡牘為哉於時卿大夫改面易詞生
安與友直同朝沒安與友直同傳小點大貪其歸一揆是
亦一友直焉爾後雖高才震世偉烈格矣終千古不足掩
斯耻云

丁亥荆王瞻垌請徙河南不許

戊子夜月掩建星曉刻金星犯軒轅左星
庚寅工部右侍郎蔡信卒予祭葬信本木工

夜月犯牛宿

癸巳益四川諸衛軍月餉二斗

免兩畿湖廣稅糧子粒六十三萬九千九百八十一石有奇
丙申行人張彥江西布政司都事桑景春為行在監察御史
己亥許巡撫陝西右僉都御史羅亨信歸葬父仍赴任

夜月入畢宿

壬寅山西都司越獄

癸卯疏潞州溝渠二十八所

乙巳占城入貢

丙午起復保定府同知錢寧醴泉知縣胡璉俱憂去部民乞之

丁未召太監王貴尚書王驥還議邊事先是脫、卜花王殺阿台朶兒只伯

已酉釋囚四百餘人俱戍邊

庚戌賜雲南大侯州土官知州刀奉漢金牌信符先是奉漢欲同本邦宣慰使罕門法糾十萬衆勦麓川故賜之

增東昌府通判專理河道

十月子翔榜葛刺國貢麒麟群臣稱賀

癸丑賑平涼鳳翔西安鞏昌漢中慶陽饑發粟三十一萬七千六百四十餘石

甲寅夜二大星俱赤光一自小穀流北斗杓二小星隨之一自五諸侯流近濁

乙卯張瑾嗣彭城伯張景孫

丁巳徐顯忠嗣定國公徐景昌子

庚申賑如皋興國縣旱饑

壬戌昏刻大星赤光自雲中流游氣二小星隨之

癸亥夜月土星同度

乙丑巡撫直隸行在工部右侍郎周忱奏蘓松羨粟縣各一
二萬石移貯揚之鹽場准為縣明年田租聽場戶上私鹽給
粟官民攸利從之

丙寅瓦剌順寧王脫歡貢馬

行在吏部考功郎中昂昌為右通政

辛未進士張固蔣性中為刑科給事中

戊寅夜月合金星

己卯南康大長公主薨年六十六駙馬都尉胡觀

衛王瞻埏薨王孝謹雅好學問留居京師年二十三謚曰恭

亡子國除妃楊氏自經謚貞烈

十一甲申右軍右都督山雲卒雲徐州人父青百戶從靖難歷都

督僉事雲始襲金吾左衛指揮使從文皇帝北征力戰累

遷都督僉事宣德初柳慶諸蠻不靖命雲往討溪峒猺獠悉

力迎戰雲一鼓擊卻之賊退保山巔勢險峻賊掛木於藤壘

石其上官軍至斷藤下木石無敢近者雲夜半束火牛羊角

縱之山下賊謂官兵至亟斷藤比明木石且盡乃率眾鼓噪

而登遂盡破之斬首數萬俘降甚衆築堡九城四鋪舍五百
餘區居民安堵者可十年進都督同知歷右都督謀勇驚發
而端潔如寒士公賞罰嚴號令同士卒甘苦盡卻土官覬獻
馭之皆服征調亡敢後廣人甚稱之予祭葬贈懷遠伯謚忠
毅子俊府軍前衛指揮使

袁袞曰予官廣西時時蠻寇橫甚將官皆束手坐視劫殺
公行問廣西人咸稱永宣中都督韓觀山雲之賢猛獍皆
望風竄匿不敢出及論考其行事信如所聞夫兵凶器也
聖人不得已而用之然將不殺賊則賊將殺人要之不可

盡誅誅其尤者以警其已使遠竄深藏不至殺吾良民足
矣今之陋者咸以兵食不足為解夫世患無山韓耳何患
無兵食哉故曰征蠻之道莫要乎擇將

吏部左侍郎鄭誠卒誠字文實南城人

鄉舉任吏部司

務譽甚尋考功員外郎改文選司洪熙初進郎中宣德中薦
擢侍郎詳雅練達少蕪介之行賜祭葬

乙酉復房岳鄒縣知縣岳任滿邑人留之

夜土星犯外屏星

丙戌更定州學三歲貢二人縣學二歲貢一人繁昌主簿黃

鍵言之

癸巳夜月犯畢宿

丙申 工御奉天門諭都察院右都御史陳智曰今武臣子弟忘祖父起家之艱漫不省武藝赴京比試多有過期及覓代者自今犯者全家戍邊官吏受賂及不審實罪如之

除行在兵部左侍郎鄭楚軍籍

戊戌行在翰林院侍講洪璵為吏部試右侍郎

壬寅勅雲南總兵官黔國公沐晟左都督方政右都督沐昂率兵討思任發太監吳誠曹吉祥監軍兵至金齒司賊沿路

江立柵晟遣指揮車琳等諭降賊佯如約晟信之無渡意刑部主事楊寧曰不可兵未加稱降此詐也懼有後悔晟迂之

檄軍督餉金齒賊將緬檢數扼戰政怒造舟六十艘欲渡江晟不可乃夜渡擊敗之追至潞江賊走景罕寨指揮唐清擊

敗之指揮高遠等又追敗之高黎共山下共斬三千餘級

談遷曰沐晟噉嗜宿將樹威名於西南最久麓州狡夷既稱兵四掠猶遣使詣闕飾奸文逆故晟欲籠致之亦未達時變矣彼遐裔僻阻所謂夜郎王孰與漢大也假不費斗糧不折一兵遽仰就羈勒委命下吏則向者桀驁當不見

告矣哉胡敵兵至此也

已酉增陝西布政司叅議僉事各一監收甘肅食糧

十月癸丑安定王亦攀丹貢馬

甲寅賑鳳陽徐堯畿

丙辰起復開封推官李鉉鉉善捕盜

行在刑部尚書魏源右侍郎何文淵都察院右都御史陳智

右僉都御史王翱大理寺左右少卿程富賀賢嗣等下錦衣

獄以巡撫湖廣禮部右侍郎吳政巡按御史陳祚等論遠王

諸罪上逮政等至京法司議罪未當被劾

丁巳浙江按察使林碩為廣東左布政使

復王庸南昌府同知食正四品俸

辛酉夜月犯畢宿

壬戌復命監察御史巡視兩淮兩浙鹽課歲代

甲子廣東左布政使林碩卒碩閩縣人永樂壬辰進士授御

史秩滿進浙江按察使雪冤澤物不畏強禦

乙丑開浙江福建銀冶

行在刑部郎中丁鉉主事張鳳為行在刑部右侍郎行在監

察御史張純丁璿為行在右僉都御史

丙寅中書舍人邢恭推官趙敬知縣羅經主簿劉景為監察御史

禁江西窯場燒造青花白地瓷器貨賈覬送違者正犯論死全家戍口外

丁卯遼東總兵官都督同知巫凱卒凱句容人廬州衛百戶歷都指揮同知永樂初以都指揮使調遼東宣德初進征

前將軍都督僉事鎮守性剛毅饒智略在遼三十年威惠並著賜祭葬

癸酉進瓦剌使臣阿都赤右都督把伯察占昂克都指揮使

夜白虹貫月

乙亥太監王貴鎮守甘肅起劉廣陝西行都指揮僉事

錦衣衛指揮僉事劉勉監察御史蕭鑿率兵捕盜自通州至

東昌

丙子遼東副總兵中軍都督僉事曹義為征前將軍總兵官鎮守遼東

太常寺少卿魏驥為行在吏部試左侍郎

起復威州知州陳冕見母喪州民赴闕頌其德

丁丑召遼王貴哈入京議其罪

戊寅夜金星犯木

已卯巡撫山東淮揚行在刑部右侍郎黃弘卒於揚州弘長沙人永樂己未進士授刑部主事進員外郎宣德庚戌拜巡撫事集而民不擾年四十 賜祭葬

是年福建按察僉事廖謨杖死驛丞丞楊溥鄉故僉事楊士奇鄉故也溥欲坐謨抵命士奇欲坐謨因公教人爭論不決請裁 皇太后太監王振曰二人皆挾鄉故之私抵命太重因公太輕宜對品降調 太后從之降謨 同知自是振言售漸據朝事

薛應旂曰自古小人竊柄必觀上行事偏以一二中其肯綮然後以漸入之王振蓋其故智也

凌翰曰國家闕宦實與公孤之權相盛衰 天子早朝宴

退日御便殿則天下之權在公孤一或宴安是懷相臣不得覩其面則天下之權在闕宦蓋公孤處侍君側累日積月朝鐘不鳴章疏之入司禮監文書房則主之可否時出於內批公孤不得而與矣故三楊在 宣宗時言無不售至 英宗初則拱手唯命莫如之何蓋 宣宗則日臨群臣躬攬庶政故與公孤親而權在公孤 英宗初政頗事

燕聞故與閹宦親而權在閹宦一人之身前後所遭如此
國家政權所寄之繇也



程